

Piginneqqaartussaannermik inatsisip Kalaallit Nunaannut
atortuulersinneqarnissaaanik peqqussut

UAGUT MARGRETHE AAPPAAT, Guutip Saammaanneratigut Danmarkip Dronningia, nalunaarpugut:

Piginneqqaartussaannermik inatsimmi, tak. inatsimmik nalunaarut nr. 1144, 23. oktoberi 2014-imeersoq, § 93 naapertorlugu aalajangerneqarpoq inatsit Kalaallit Nunaannut atuutissasoq imaattunik oqaasertaqarluni:

Kapitali 1

Piginneqqaartussaannerup pisai imarisaalu

Suliat illersugaasut

§ 1. Suliamik atuakkiamik eqqumiitsuliamilluunniit saqqummiisoq suliamik taassuminnga piginneqqaartussaavoq, tassaassagaluarpalluunniit oqaluttualiatut atuakkiatut ilisimasassatulluunniit saqqummersitaq allannikkut oqalunnikkulluunniit ersersitaq, soorlu erinniatut isiginnaagassiatulluunniit, filmigassatut assiliivilluunniit atorlugu assilisatut, assiliatut eqqumiitsuliatut, illuloriaatsit atortutigulluunniit eqqumiitsuliatut, allatulluunniit ersersitaasoq.

Imm. 2. Nunap immalluunniit assingi titartakkallu suliallu allat assiliartalersorlugit imaluunniit kusanasaarlugit suliat nassuiaataasumik pissuseqartut sulianut atuakkianut naatsorsuunneqassapput.

Imm. 3. Suliat qarasaasianut immiussat sulianut atuakkiatut naatsorsuunneqassapput.

Illersuinerup imarisai

§ 2. Piginneqqaartussaannerup nassatarissavaa, killilersuutit inatsimmi matumani oqaatigineqartut atorlugit, suliap atornissaanut kisermaassisussaaneq taassuma assinginik sanaartornikkut inunnillu tamanit pineqarsinnaatitsilernikkut, saqqummeqqaarneratut allanngukkamilluunniit pissuseqartillugu, nutsiganngorlugu, atuakkioriaatsimut, eqqumiitsulioriaatsimut suleriaatsimulluunniit allamut suliareqqitanngorlugu.

Imm. 2. Assinginik sanaartornertut aamma isigisariaqarput suulluunniit toqqaannartumik toqqaannanngitsumilluunniit, utaqqiisaasumik ataavartumilluunniit tamakkiisumik ilaannakuusumilluunniit qanorluunniit isikkoqartillugit aamma qanorluunniit iluseqartillugit assinginik sanaartorerit. Assinginik sanaartornertut aamma isigisariaqarpoq suliap sunut pisatsersuutinut taassuminnga ilisarnarsisitsisinnaasunut nuunneqarnera.

Imm. 3. Suliaq inunnit tamanit pineqarsinnaalersinneqassaaq

- 1) suliap assingi tuniarneqarpata, attartortinniarneqarpata imaluunniit atukkiunniarneqarpata allatulluunniit inunnut tamanut siaruarneqassappata,
- 2) suliap assingi tamanut ammasumik takutinneqassappata, imaluunniit
- 3) suliaq tamanut ammasumik saqqummersinneqarpata.

Imm. 4. Inunnut tamanut imm. 3, nr. 3 malillugu saqqummiussinertut aamma naatsorsuunneqassaaq

- 1) sulianik silaannakkut atassusikkatut atassusigaanngitsutulluunniit attaveqaatitigut, tamatumani aamma radiukkut fjernsynikkulluunniit tamanut nuussinerit aammalu sulianik inuit kikkulluunniit sumiiffinni piffissanilu namminneq qinigaanni pissarsisinnaanngorlugit atugas-sinerit, aamma
- 2) inuussutissarsiutini sullivimmi tamanut saqqummiussinertut naatsorsuunneqarsinnaanngikkaluamik inunnut amerlajaanut saqqummiinerit.

§ 3. Suliamik pilersitseqqaartup piumasagaatigaa ileqqup ajunngitsup piumasarisartagaa naapertorlugu suliatut pilersitami assingisut sanaani inunnillu tamanit pineqarsinnaatinneqalernerani atermi nalunaarneqarnissaa.

Imm. 2. Suliaq allanngortinneqassanngilaq inunnilluunniit tamanit pineqarsinnaatinneqalissanani pilersitseqqaartup atuakkiortutut eqqumiitsuliortutulluunniit ataqpineqarneranut immikkulluunniit ilisarnaataanut nikanarsaataasumik tamatumunngaluunniit atassuteqartumik.

Imm. 3. Pilersitseqqaartup paragraffi manna naapertorlugu piginnittusaanini taamaatisinnaanngilaa suliap pissusiatigut annertussusiatigulluunniit killilikkamik atornissaa pineqanngippat.

Suliareqqiinerit

§ 4. Suliamik nutserisoq, suliareqqiisoq allatulluunniit suliamik aaqqissuussisoq, matumani aamma atuakkiamut eqqumiitsuliamulluunniit allamut nuussisoq, suliamut tassunga taamatut isikkoqartillugu piginneqqaartussaavoq, kisianni suliareqqaakkamik piginneqqaartussaannermut akerliusu-mik pissuseqartillugu taassuminnga atuisinnaanani.

Imm. 2. Suliamut nutaamut immikkuuissumullu, allamik namminersuutigalugu atuinikkut saqqummersinneqartumut, piginneqqaartussaannermi suliamik atorsimasamik piginneqqaartussaaneq aalajangiisuussanngilaq.

Suliat ataasinnugkek

§ 5. Sulianik ataatsimut katiterinikkut imaluunniit suliat immikkuualuttuinik katiterinikkut atuakkiamik eqqumiitsuliamilluunniit suliamik ataasinnugkekamik saqqummiisoq taassuminnga piginneqqaartussaavoq, kisianni piginnittusaanera taanna sulianut ataasiakkaanut taakkununnga piginneqqaartussaannermut millisaataassanngilaq.

§ 6. Suliaq ataaseq inunnit marlunnit arlalinnilluunniit piginneqqaartussaaffiuppat taakkununnga ataatsip ilanngussai immikkut sulianngortinneqarsinnaanatik taakku peqatigiillutik suliamik taassuminnga piginneqqaartussaapput. Taakkuli tamarmik immikkut piginnittusaanerup innarlitsaalineranut assuarliuteqarsinnaapput.

Piginneqqaartussaannermik pigisaqartutut il.il. ilimagisaq

§ 7. Allamik oqaatigisaqartoqanngippat piginneqqaartussatut isigineqassaaq aqqa aterisuu-saagaaluunniit imaluunniit ilisarnaataa inunnit tamanit ilisimasaasoq pisarnertut sanaap assinginut ivertissimasoq imaluunniit inunnit tamanit pineqarsinnaatinneqalernerani nalunaarneqartoq.

Imm. 2. Imm. 1 naapertorlugu piginneqqaartussaq nalunaarfigineqarnani suliaq naqiterluni saqqummerpat saqqummiussisoq aqqa taaneqartoq, taamaanngippallu naqiterisitsisoq, piginneqqaartussaq sinnerlugu iliorsinnaavoq naqitereqqiinnermi taassuma nalunaarneqarnissaata tungaanut.

Tamanut nalunaarutiginninneq saqqummiinerlu

§ 8. Suliaq tamanut nalunaarutigisatut isigineqassaaq akuerisamik inunnit tamanit pigineqarsinnaatitanngorpat.

Imm. 2. Suliaq assingi piginneqqaartussaaitap akuersineratigut nioqqutinngortinneqarpata allatulluunniit inunnit tamanut siaruarterneqarpata, naqiterluni saqqummikkatut isigineqassaaq.

Pisortatigoortumik allagaatit

§ 9. Inatsisit, allaffissornikkut najoqqutassiat, eqqartuussiviit aalajangiineri pisortallu allagaataat allat piginneqqaartussaaitaaffiunngillat.

Imm. 2. Imm. 1-imi aalajangersagaq atuutinngilaq sulianut imm. 1-imi taaneqartunut sulianut immikkut ilapittuutit isikkoqarpata. Sulialli taamaattut allannermut atatillugu issuarneqarsinnaapput. Suli atorneqarsinnaanissaanni aamma maleruagassat allat atuuttut apeqqutaassapput.

Inatsisit allat malillugit illersuinermit tunngasut

§ 10. Ilusilersuisarneq pillugu inatsit naapertorlugu illersugaanerup piginneqqaartussaaneq ajornarsisissanngilaa.

Kapitali 2

Piginneqqaartussaannerup killilersuutai aamma isumaqatigiisuteqarsinnaatitsinerni piginnaatitaaffinnik aqutsineq

Nalinginnaasumik aalajangersakkat

§ 11. Kapitalimi matumani aalajangersakkat § 29-p kingunerisassaasa saniatigut piginneqqaartuusup § 3 naapertorlugu pisassaanut millisaataassanngillat.

Imm. 2. Suliaq ataaseq kapitali manna naapertorlugu atorneqarpat atorneqarnerata siunertarisaata pisariaqartitsineranit annertunerusumik allanngortinneqassanngilaa. Suliaq tamanut takusassatut issuarneqarpat pinngoqqaarfia ileqqup ajunngitsoq naapertorlugu nalunaarneqassaaq.

Imm. 3. Suliaq ataaseq kapitali manna naapertorlugu atorneqarpat § 2-mut akerliusumik suliamik issuaaneq tunngavigalugu imaluunniit § 75 c, imm. 1-imut akerliusumik teknikkikkut peqqussutaasunik sumiginnaaneq tunngavigalugu assinginik sanaartornissaq inerteqputaavoq.

Suliaq assinginik pilersitsigallartarneq

§ 11 a. Suliaq assinginik pilersitsigallartarneq akuerineqarsinnaavoq imaattoqarpat

- 1) erniinnaq qaangiuttussat imaluunniit nalaatsornikkut pisut,
- 2) teknikkikkut iliuuseqarnerup ilagippassuk aammalu tamatuma annertunersaata ilagippagu,
- 3) taamaallaat siunertarippagu akunnermiliuttup suliamik allat akornanni attaveqaatitigut assigisaatigullu aallakaatitsisinnaalernissaa imaluunniit unioqputitsinani suliamik atuisinnaalernissaa, aamma
- 4) suliap immikkut nammineq aningaasatigut naleqartuunnginnissaa.

Imm. 2. Imm. 1-imi aalajangersagaq qarasaasiatigut aallakaatitassianut paasissutissanullu toqqorterivinnut atuutissanngilaq.

Nammineq atugassanik suliap assinginik suliaqarneq

§ 12. Suliaq tamanut nalunaarutigisap assingi ataasiakkaat kimilluunniit nammineq atugasatut suliarineqarsinnaapput suliaritineqarsinnaallutilluunniit, tamanna inuussutissarsiuutigineqanngippat. Suliaq assingi taamaattut allatut iluaqutiginiarneqassanngillat.

Imm. 2. Imm. 1-imi aalajangersagaq pisinnaatitsissutaassanngilaq

- 1) illuliornissamut,
- 2) eqqumiitsuliaq kuitsivimmi kuisilluni assinganik sananissamut, sanaqqaakkap naqitsinikkut allatulluunniit assilinnissanut taamatut assilisaq sanaqqaakkatut isumaqarfigisassanngorlugu,
- 3) qarasaasianut programmit digital atorlugu assinginik pilersitsinissamut imaluunniit
- 4) suliat allat digital atorlugu assinginik pilersitsinissaq, suliap assinganik pilersitsineq digital atorlugu pilersitsineruppat, imaluunniit
- 5) sulianik allanik qarasaasiatigut programmiunatillu paasissutissaasivinniittuunngitsunik, tamakku nammineq atugassatut imaluunniit illumi inoqutit atugassaattut taamaallaat pissanngipata, digital atorlugu ataasiakkaanik pilersitsineq.

Imm. 3. Imm. 2, nr. 5-imi aalajangersagaq apeqqutaatinnagu piginneqqaartuusoq akuersiseqqaartinnagu ajornartitaassaaq suliap assinganik atukkamik imaluunniit attartukkamik digital atorlugu assiliortuinissaq.

Imm. 4 Imm. 1-imi aalajangersagaq pisinnaatitsissutaanngilaq assinganik pilersitsinermi allamik suliarinnitsinissamut, pineqarpata

- 1) erinniugaq,
- 2) filmiliaq,
- 3) atuakkiat, alla ikiuisoq inuussutissarsiornermut siunertamut peqataappat,
- 4) atortutigut eqqumiitsuliaq imaluunniit
- 5) eqqumiitsuliat, assinganik sananeq eqqumiitsuliornikkut assiliinerussappat.

Imm. 5. Imm. 1-imi aalajangersagaq atuisumut pisinnaatitsissutaanngilaq erinniukkat filmiliallu teknikikkut atortut atuagaateqarfinni, niuertarfiit initaanni allaniluunniit tamanit tikinneqarsinnaasuni tamanut atugassanngortitaasimasut atorlugit assinginik sananissamut. Aamma taamaassaaq atuakkianut tunngatillugu, teknikkikkut atortut inuussutissarsiornissaq siunertaralugu atugassiussutaasimassappata.

Ilinniartitsinerup iluani assilisanik sananeq

§ 13. Suli at saqqummiunneqarsimasut assingi ilinniartitsinermi atugassatut piliarineqarsinnaapput aammalu suli at radiukku at isiginnaarutikkulluunniit aallakaatinneqartut assinginik sanasoqarsinnaavoq immiussinikkut § 50 malillugu isumaqatigiissuteqarnermi licensimut piumasaaqatit eqquutsinneqarsimappata. Suli at taaneqartut ilinniartitsinerinnarmi § 50-imi isumaqatigiissummi pineqartumut ilaasuni atorneqarsinnaapput.

Imm. 2. Immiussineq pillugu imm. 1-imi aalajangersagaq filmilianut sarsuatitassianut filmer-tarfiit nalinginnaq takutittagaannut ilanngunneqartunut atuutinngilaq isiginnaarutikkut aallakaatitsinermi suli at ilaa minnerusoq kisi at atorneqanngikkaangat.

Imm. 3. Suli at saqqummiunneqarsimasut assinginik sananermut imm. 1-imi aalajangersagaq qarasaasianut programminut digitaliusunut atuutinngilaq.

Imm. 4. Ilinniartitsisut ilinniartullu ilinniartitsinermut atasumik namminneq suli aminnik immiussisinnaapput, tamanna inuussutissarsiornermut atatillugu pinngippat. Immiussat allatut atorneqartariaqanngillat.

Imm. 5. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasaaqateqarner-soq apeqquserneqarpat illuatungeriit arlaata apeqqut eqqartuussivinnut suli assanngortissinnaavaa.

Inuussutissarsiutitut ingerlatsiviit il.il. iluani assilisanik sananeq

§ 14. Pisortat namminersortulluunniit suliffeqarfiutaat, kattuffiit inuussutissarsiutitullu ingerlatsiviit suliffeqarfimmik iluani atugassaminik assinganik naqitsivik (kopimaskine) taamaaqataaluunniit atorlugu aviisini, atuagassiani suli anilu ataatsimuukkaani suli amut tunngasumik allaaserisanik, suli amut tunngassutilinnik suli anit allanit saqqummiussanit issuaanernik naatsunik aammalu allaaserisamut atatillugu assiliartaliussanik assiliisinnaapput assiliisitsisinnaallutilluunniit § 50 malillugu isumaqatigiissummi pissutissaatitaasut eqquutsinneqarsimappata. Taamatut assiliasat suliffeqarfiup § 50-imi isumaqatigiissummi pineqartunut ilaasup iluaniinnaq atorneqarsinnaapput.

Imm. 2. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasaaqateqarner-soq apeqquserneqarpat illuatungeriit arlaata apeqqut eqqartuussivinnut suli assanngortissinnaavaa.

Napparsimmaviit il.il. assilisanik sanaavi

§ 15. Napparsimmaviit, paaqqutarisarialinnut angerlarsimaffiit, parnaarussiviit allallu ulloq unnuarlu paaqqinnittarfittut suliffeqarfiit isumaginnittoqarfiup peqqinnissaqarfiullu susassa-qarfiisa iluiniuttut, pinerluttunik isumaginnittoqarfik taamaaqataallu suliffeqarfimmi najugalinnut il.il. siviki-

tsumik atugassanik sulianik radiukkut isiginnaarutikkulluunniit aallakaatinneqartunik immiussisinaapput. Assilisat taamaattut suliffeqarfiup iluaniinnaq atorneqarsinnaapput.

Toqqorsivinni, atuagaateqarfiit katersugaasiviillu

§ 16. Pisortat toqqorsivii, atuakkanik atorniartarfiit tamanut ammasut allallu atuakkanik atorniartarfiit, tamakkiisumik ilaannakuusumilluunniit pisortanit aningaasalersorneqartut, kiisalu Nunatta Katersugaasivia Allagaateqarfialu imm. 2-6-imi aalajangersakkanut naapertuuttumik sulinerminni atugassaminnik assilisanik assiliisinnaallutillu siaruarterisinnaapput, tamanna inuussutissarsiorneq siunertaralugu ingerlanneqanngippat. Tamannali digitalinngortitanik qarasaasianik programminut atuutinngilaq qarasaasiakkut pinnguaatit eqqaassanngikkaanni.

Imm. 2. Pisortat suliffeqarfiutaat isumannaallisaaneq illersuinissarlugu siunertaralugu assilisanik sanasinnaapput.

Imm. 3. Assilisaq ataaseq pisortat suliffiutaata katersaanni tamakkiisuunngippat immikkoortunik amigaataasunik suliffeqarfik assilisanik sanaartorsinnaavoq, assilisaq nalinginnaasumik niuerfimmi imaluunniit saqqummersitsisumi pissarsiarineqarsinnaappat.

Imm. 4. Atuakkanik atorniartarfiit sulianik saqqummersinneqarsimasunik assilisanik sanasinnaapput, atuakkanik atorniartarfiup katersaataanni pissarsiarineqarsinnaasariaqartut, kisiannili nalinginnaasumik niuertarfinni saqqummersitsisumiluunniit pissarsiarineqarsinnaanngitsut.

Imm. 5. Piginneqqaartussaaneq akornusiinngilaq assilisanik sanasinnaamermut Atuagaateqarfiit pillugit Inatsisartut inatsisaanni aalajangersakkat naapertorlugit.

Imm. 6. Assilisat imm. 3-4 malillugu sananeqarsimasut atuisunut atortinneqarsinnaasariaqarput. Aamma taamaapput imm. 2 malillugu sananeqartut immikkut assilisat. Oqaaseqatigiinni siullerni aappaannilu aalajangersakkat assiliivik atorlugu assiliani aamma digitalinngorlugit nipinilluunniit immiussanit assilisanut atorneqassanngillat.

Imm. 7. Imm. 2-4 malillugit suliarineqartunik assilisanik atueqqissinnaanermut piginnaatitaanermut apeqqutaapput allatigut malittarisassat atuuttut.

§ 16 a. Suliat tamanut saqqummiunneqarsimasut § 16, imm. 1-imi taaneqartuni pisortat suliffiutaanni inunnut ataasiakkaanut teknikkkut atortut iluaqutigalugit misissugassanngortinneqarsinnaapput.

Imm. 2. Assersuutit pilersinneqarsimasut imaluunniit tunniunneqarsimasut Allagaateqarfiit pillugit Inatsisartut inatsisaanni tunniussisussaaneermut pisussaaffeqarneq naapertorlugu, imm. 1-mi aalajangersagaq apeqqutaatinnagu taamaallaat Nunatta Atuagaateqarfiani atugassiussutigineqarsinnaapput inuit ataasiakkaarlugit atortitsisarnikkut.

Imm. 3. Imm. 2-mi pineqartup ingerlatsiviup nassiussinnaallugillu atugassiussutigisinnaavai pisussaaffik naapertorlugu pilersitat, radiukkut aamma isiginnaarutikkut aallakaatinneqarsimasut, filmiliat aamma pilersitat elektroniskiusuni attaveqaatini saqqummiunneqareersimasut, ilisimatusarnermik siunertanut atugassatut, pilersitaq nalinginnaasumik niuernikkut pissarsiarineqarsinnaanngippat. Taamatut pilersitat immikkoortut allatut iluaqutigineqassanngillat.

§ 16 b. Pisortat atuagaateqarfii atuagaateqarfiillu allat, pisortaniit tamakkiisumik ilaannaakuusumilluunniit aningaasalersorneqartut allaaserisanik aviisineersunik, atuagassianeersunik

ataatsimoortutullu sulianeersunik, atuakkaniit atuakkiatullu saqqummersitaniit allaniit immikkoortunik naannerusunik kiisalu assiliartaniit nuutiniillu oqaasertaliussanut attuumassuteqartunik piunaf-figineqarnikkut assiliisinnaassapput § 50 malillugu isumaqatigiisummi piginnaatitsissutit pillugit piunasaqaatit naammassineqarsimappata. Oqaaseqatigiinni siullerni pineqanngillat radiukkut isiginnaarutikkulluunniit aallakaatitat imaluunniit sulianik kikkunnit tamanit pineqarsinnaanngorlugit sumiiffinni piffissanilu immikkut toqqartukkani atugassiinerit, tak. § 2, imm. 4, nr. 1, titarnerit aappaat.

Imm. 2. § 50, imm. 4 malillugu kattuffik imm. 1-imi ilaasunik isumaqatigiisuteqarsinnaanermut ilaasoq isumaqatigiisuteqarnissamut naammaginangitsunik piunasaqaateqarnerisq apeqquserneqarpat illuatungeriit arlaata apeqqut eqqartuussivinnut suliassanngortissinnaavaa.

Inuit isigisaqarnikkut, tusaasaqarnikkut atuarsinnaanikkullu innarluutillit il.il.

§ 17. Suliat saqqummiunneqarsimasut assingi issuarneqarsinnaallutillu siaruarterneqarsinnaapput issuarneqartut siaruarterneqartullu tappiitsunut, isigiarsuttunut, tusilartunut oqallorluttunullu aammalu inunnut allanut innarluuteqarneq patsisigalugu allakkianik naqitikkani atuarsinnaanngitsunut immikkut atugassatut suliaappata, kiisalu §§ 17 a -17 e-mi aalajangersakkat atorineqanngippata. Oqaaseqatigiinni siullerni aalajangersagaq atortuutinneqassanngilaq inuussutissarsiutiginiarlugu issuaanernut imaluunniit assiliinikkut siaruarterinernut.

Imm. 2. Imm. 1-imi aalajangersakkat atortuutinneqassanngillat naqitat immiunneqarnerinut imaluunniit issuaanernut taamaallaat nipilersukkanik imalinnut.

Imm. 3. Namminersorlutik Oqartussat kommunillu ataanniittut suliffeqarfut isumaginninnermik suliaqarfusut, isigiarsuttut tusilartullu atugassaannik sulianik pilersitsisinnaapput radiukkut isiginnaarutikkulluunniit aallakaatinneqartussanik, isumaqatigiisuteqarnikkut piunasaqaatit § 50 naapertorlugu naammassineqarpata. Taamatut immiussat § 50-imi tunngavigineqartumut isumaqatigiisummut ilaasunut suliffeqarfut iluini taamaallaat atorineqassapput. Oqaaseqatigiit siullit appaallu §§ 17 a -17 e-mut ilaasunut immikkoortunut atuutinngillat.

17 a. §§ 17 a- 17 e-mi paasineqarput:

1) Inuit isimikkut atuarnissakkulluunniit innarluuteqartut: inuit allanik innarluuteqarsinnaaneri apeqqutaatinnagu:

a) tappiitsuusoq;

b) isigisaa annikillisimasoq, iluarsineqarsinnaanani, taamaalilluni inummi taamatut pisinnaasakkut annikillisimasumik isigisaanut naapertuuttumik isigisaqalersinnaalluni, taamaattumillu inuttut taamatut isigisakkut annikillisimanngitsutut sulianik naqinneqarsimasunik atuarsinnaanani;

c) tigusinissamut atuarsinnaanermulluunniit innarluuteqarneq, taamaattumillu inuttut taamatut innarluuteqanngitsutulli sulianik naqitanik atuarsinnaanani, imaluunniit

d) arlaatigut timikkut innarluuteqarneq pissutigalugu atuakkamik tigungmiaqarsinnaanngitsaq imaluunniit isumaginnissinnaanngitsaq imaluunniit nalinginnaasumik atuarsinnaasunngorluni aallusisinnaanani imaluunniit isini nikisissinnaanagit.

2) Ilutsit (formater) pissarsiarineqarsinnaasut: suliat allatut imaluunniit allatut ilusilerlugit saqqummiunneqartut, inuk isimigut atuarsinnaanermigulluunniit innarluutilik nr. 1-imi taaneqartutut inuttut pisinnaasamigut ajoquteqanngitsutulli innarluuteqanngitsutulli ajornaanngitsumik iluarisaminillu sulianut periarfissaqartoq.

3) Immikkoortut piginnaatitsisut: immikkoortoq den Europæiske Unionip iluani naalagaaffimmi ilaasortaasumi imaluunniit Kalaallit Nunaanni ilinniartitsinissamut, atuartitsinissamut, tulluarsarneqartumik atuarnissamut akuerisaasimasog imaluunniit inuussutissarsiuutigiginagu inunnut isigisamikkut atuarsinnaanermikkulluunniit innarluutilinnut paasissutissiisinnaasog. Tassani aamma ilaapput pisortat suliffiutaat imaluunniit aningaasarsiuutigiginagu kattuffiit inunnut isigisamikkut atuarsinnaanermikkulluunniit innarluutilinnut pingaarnertut suliassamittut imaluunniit pisortat pisussaaffiattut sullissisuusut imaluunniit nalinginnaasumik suliassamik ilaattut.

§ 17 b. §§ 17 c – 11 e atuakkanut, atuagassianut, aviisinut allatulluunniit allatanut, ilisimatitsissutinut taakkunungalugu atasunik saqqummersitanut sunulluunniit tamanut saqqummiussanut sulianut atorneqarput.

§ 17 c. Inuk isigisamigut atuarsinnaanikkulluunniit innarluutilik, imminut sinnerluni iliuuseqartoq, ilutsinik pissarsiarineqarsinnaasunik sanasinnaavoq. Ilutsit pissarsiarineqarsinnaasut taamaallaat inunnit isigisamikkut atuarsinnaanermikkulluunniit innarluuteqartunit atorneqarsinnaapput.

Imm. 2. Immikkoortoq piginnaatitaasog inunnut isigisamikkut atuarsinnaanermikkulluunniit innarluuteqartunut Den Europæiske Unionip iluani imaluunniit Kalaallit Nunaanni oqartussanut allanut ilutsinik pissarsiarineqarsinnaasunik sanasinnaavoq, nuussisinnaavoq, atugassanngortitsisinnaavoq, siaruarterisinnaavoq imaluunniit atorniartitsisinnaavoq. Oqaaseqatigiit siulliit malillugit ilutsit inunnut isiginiarnermikkut atuarsinnaanermikkulluunniit innarluutilinnut atugassat aningaasannaniutigineqassanngillat.

Imm. 3. Inuk isiginiarnikkut atuarsinnaanikkulluunniit innarluutilik imaluunniit immikkoortoq piginnaatitaasog Den Europæiske Unionip iluani imaluunniit Kalaallit Nunaanni pilersinneqartumit immikkoortumit piginnaatitaasumit nuunneqartunik, atugassanngortinneqartunik, siaruarinneqartunik imaluunniit atortitassanngortinneqartunik ilutsinik pissarsiarineqarsinnaasunik pissarsisinnaallunilu periarfissaqassaaq.

Imm. 4. Imm. 1-3 isumaqatigiissuteqarnikkut saneqqunneqarsinnaanngillat.

§ 17 d. Kalaallit Nunaanni pilersinneqarsimasog immikkoortoq piginnaatitaasog, § 17 c, imm. 2, piginneqqaartussaataasog taarsiiffigineqarnissamut piunasaqarsinnaavoq, taamaattorli tak. imm. 2 oqaaseqatigiit siulliit atorneqassanatik ajoquusiineq piginneqqaartussamut annikitsuaraappat.

Imm. 2. Taarsiisoqassanngilaq immikkoortoq piginnaatitaasog Kalaallit Nunaanni pilersinneqarsimasog taamaallaat inunnit isigisamikkut atuarsinnaanermikkullu innarluutilinnit atorneqartusunik immikkoortutut allassimasunik imaluunniit allatut iluseqartunik pissarsiarineqarsinnaasunik sanasimappat, nuussisimappat, periarfissiisimappat, siaruarterisimappat atorniartitsisimappalluunniit.

Imm. 3. Imm. 1 malillugu taarsiisoqarnissaa pillugu isumaqatigiittoqanngippat illuatungeriit arlaata apeqquut eqqartuussivinnut suliassanngortissinnaavaa.

Imm. 4. Namminersorlutik Oqartussat imaluunniit kommunit ingerlatsivii aamma isumaginninnikkut inuiaqatigiilluunniit tamat pillugit ingerlatsiviit allat isigisamikkut tusaaniarnermikkut innarluuteqartunut atugassatut nipinik imaluunniit assinik immiussanik amerlasuunngortitsisinnaapput pilersitanit, radiukkut imaluunniit isiginnaarutikkut aallakaatinneqarsimasuniit, isumaqatigiissutaasumut licens-imut § 50 naapertorlugu piumasaqaataasut naammassineqarsimappata. Immiussat taamaattut taamaallaat atorneqarsinnaapput ingerlatsinerni § 50 aapertorlugit isumaqatigiissutaasumi ilaasuni.

*Allaaserisat assigiimmik sammisaqarfiusut naleqatigiissulluunniit
ilinniartitsinermik ingerlatsinermi il.il. atugassatut piliarineqarnerat*

§ 18. Atuakkiat erinniukkallu immikkuualuttui annikitsut sulialluunniit taama ittut anner-
tunngitsut suliamik pilersitseqqaartut amerlanerusut suliatut ataatsimuukkaatut katitikkani ilanngus-
saat atuartitsinermi atugassatut tiguneqarnissaat akuerisaavoq ukiup suliap saqqummerfigisaata qaa-
ngiunneranit ukiut tallimanngorneratigut. Oqaasertaliussanut atatillugit eqqumiitsuliat nassuiaataa-
sumillu suliat, tak. § 1, imm. 2, aamma issuarneqarsinnaapput ukiup taakkua tamanut nalunaaruti-
gineqarfigisaata kingornagut ukiut tallimat qaangiunneratigut. Suliamik pilersitseqqaartoq akissarsias-
saminik piumasaqartussaavoq. Akissarsiap annertussusissaa isumaqatigiissutigineqarsinnaanngippat
illuatungerisat arlaata apeqqut eqqartuussivinnut suliaassanngortissinnaavaa.

Imm. 2. Sulianut atuartitsinermik ingerlatsinermi atugassatut suliaasunut imm. 1-imi aalaja-
ngersagaq atuutissanngilaq imaluunniit inuussutissarsiutigalugu atugassanngortinneqarpat.

Imm. 3. Taallat erinarsugassat naqitigaareersut ataasiakkaat erinarsuutini kakkersakkani
minnerusuni ataatsimiinnermi aalajangersimasumi ataatsimi atugassanngorlugit issuarneqarsinnaap-
put. Taamaattoq erinarsuutit kakkersakkat ataasiakkaat 300-nit amerlanerusunngortinneqassanngillat.

Assilisat siaruarterneqarnerat

§ 19. Suliap assilinera suliamik pilersitseqqaartup akuersereerneratigut tunineqarpat allatul-
luunniit allanut tunniunneqarsimappat assilisaq siaruarterneqarsinnaavoq.

Imm. 2. Imm. 1-imi aalajangersagaq apeqqutaatinnagu suliamik pilersitseqqaartoq akuerse-
reertinnagu suliat assingi attartortitsinikkut inunnit tamanit pineqarsinnaalersinneqassanngillat.
Tamannali atuutissanngilaq illorsualianut pigisatigullu eqqumiitsulianut.

Imm. 3. Imm. 1-imi aalajangersagaq apeqqutaatinnagu suliamik pilersitseqqaartoq akuer-
sereertinnagu filmiliat assingi aamma qarasaasianut programmit digitali atorlugu suliat assingi
attartortitsinikkut inunnit tamanit pineqarsinnaalersinneqassanngillat. Tamannali atuutissanngilaq
qarasaasianut programmi digital atorlugu suliaq atuakkiap immikkoortorippagu taassumunngalu
ilanngullugu atukkiunneqarpat.

Imm. 4. Imm. 1-imi aalajangersagaq atuagaateqarfimmiittuuteqarnermut akissarsiat pillugit
inatsisartut peqqussutaat malillugu akissarsisinnaanermut il.il. killiliisuunngilaq.

Assilisat takutinneqarnerat

§ 20. Suliaq saqqummiunneqarsimappat imaluunniit eqqumiitsuliap assinga suliamik pilersitseqqaartumit allanut tunniunneqarsimappat saqqummiunneqartut assilluunniit tunniunneqartut tamanut takutinneqarsinnaapput.

Tamanut saqqummiineq

§ 21. Suliaq saqqummigaareersoq isiginnaartitsisarfimmi isiginnaagassiaanngitsoq filmigassaanngitsorluunniit inunnut tamanut saqqummerneqarsinnaavoq

- 1) pisoqarfinni tusarnaartut isiginnaartulluunniit akiliinatik peqataasinnaatitaaffiini, sulissutigineqartumi pineqartumi pingaarnersaanngippat inuussutissarsiutaanissaalu siunertaanngippat, aamma
- 2) saqqummiineq naalagiarnermi atuartitsinermiluunniit pippat.

Imm. 2. Imm. 1, nr. 2-mi aalajangersagaq atuutissanngilaq radiokkut isiginnaarutikkulluunniit saqqummiinermut aammalu ilinniartitsinermik sulinermi inuussutissarsiuteqarnissaq siunertaralugu pisumi saqqummiinermut.

Issuaaneq

§ 22. Ajunngitsumik ileqqoqarneq naapertorlugu siunertarisamillu annertunerunngitsumik suliamit tamanut saqqummiussamit issuaanissaq akuerisaavoq.

Eqqumiitsulianik il.il. issuaaneq

§ 23. Eqqumiitsuliat suliallu nassuiaataasumik pissuseqartut, tak. § 1, imm. 2, tamanut saqqummiunneqarsimasut suliani isornartorsiutini ilisimatusaatinilu oqaasertaannut atatillugit issuarneqarsinnaapput ajunngitsumik ileqqoqarneq naapertorlugu siunertarisamiillu annertunerunngitsumik. Issuaaneq inuussutissarsiutitut issuaanerussanngilaq.

Imm. 2. Eqqumiitsuliat tamanut saqqummiunneqarsimasut ulluni pisimasunik eqqartuinikkut aviisini atuagassianilu issuarneqarsinnaapput ajunngitsumik ileqqoqarneq naapertorlugu siunertarisamiillu annertunerunngitsumik. Oqaaseqatigiinni siullerni aalajangersagaq sulianut aviisini atuagassianiluunniit assilineqarnissaat siunertaralugu saqqummiussanut atuutinngilaq.

Imm. 3. Eqqumiitsuliaq eqqumiitsulialluunniit assingi saqqummiunneqarsimasut suliamillu pilersitseqqaartumit allanut tunniunneqarsimasut aviisini, atuagassiani, filmi isiginnaarutikkullu issuarneqarsinnaapput issuaaneq tamanna pineqartumi pingaaruteqarnerunngikkaangat.

§ 24. Eqqumiitsuliat katersugaatinut ilaasut imaluunniit saqqummersitat tuniniagassanngortinneqartulluunniit katersugaatit pillugit katalogini aammalu saqqummersitsinissamik tuniniaanissamilluunniit nalunaarutini assilineqarsinnaapput. Eqqumiitsuliat taamatut ittut saqqummersitsineq tuniniaanerluunniit pillugu nalunaarutini aamma issuarneqarsinnaapput, matumani inuinnarnut nuussinermi.

Imm. 2. Eqqumiitsuliat assilineqarsinnaapput illoqannginnersani aqqusinerniluunniit inuit tamat tikittagaanni sivisuumik saqqumisimagunik. Eqqumiitsuliaq pingaarnersaalluni takusassiaappat

assilineqarneralu inuussutissarsiutitut iluaqutiginiarneqarpat oqaaseqatigiinni siullerni aalajangersagaq atuutissanngilaq.

Imm. 3. Illorsualiat piumasamik assilineqarsinnaapput.

§ 24 a. Eqqumiitsuliat tamanut saqqummiussat assilineqarsinnaapput § 50 malillugu licensimik isumaqatigiissummi piunasaqaatit naammassineqarpata. Tamannali atuutissanngilaq peqataasunik isumaqatigiisuteqarfusut arlaannut piginneqqaartussaasoq suliap assilineqarnissanut inerteqquteqarsimappat.

Imm. 2. § 50, imm. 4 malillugu kattuffik imm. 1-imi ilaasunik isumaqatigiisuteqarsinnaanermut ilaasoq isumaqatigiisuteqarnissamut naammaginangitsunik piunasaqaateqarnerasoq apeqquserneqarpat illuatungeriit arlaata apeqqut eqqartuussivinnut suliaassanngortissinnaavaa.

Ullormut pisimasunik nutaarsiassatut ilanngussineq

§ 25. Suliamik ataatsimik saqqummiineq takutitsinerluunniit ullormut pisimasut ilaannut ilanngunneqassappat taannalu radiokkut oqaatigineqassappat, filmikkut isiginnaarutikkulluunniit takutinneqassappat suliaq ilanngunneqarsinnaavoq ullormut pisimasup ilanngunneqarneranut pissusissamisoortutut ilaatinneqarpat.

Tamanut ammasumik ataatsimiinnerit, paasitinneqarsinnaatitaanerit il.il.

§ 26. Folketingimi, Inatsisartuni kommunalbestyrelsini aamma nunaqarfinni aqutsisuni pisortanilu allani inunnit qinigaasuni, eqqartuussisut suliaanni aammalu apeqqutit tamanut tunngasut oqaluuseriniarlugit ataatsimiinnerni tamanut ammasuni oqaloqatigiisutit suliamik pilersitseqqartoq akuersitinnagu issuarneqarsinnaapput. Suliamilli pilersitseqqartoq nammineq oqaaserisani kater-sorlugit naqterisitsinissamut kisermaassisussaataitaavoq.

§ 27. Suliat assingi inatsit manna malillugu illersugaasut pisortani oqartussanut taassuma ingerlatsineranut atasumik apuunneqarsimappata suliat assinginik tamakkuninnga allat paasitinneqarnissaminnik piunasaqarnerannut, matumani aamma assilineranik nuutsinneranilluunniit piunasaqarnerannut, tamanna pillugu inatsisiliani aalajangersakkat naapertorlugit, piginneqqaartussaa-titaaneq akornutaassanngilaq. Sulianut pisortani oqartussat pineqartut piliaannut tamanna aamma atuuppoq.

Imm. 2. Toqqortat pisortat toqqorsiviannut tunniunneqarsimasut toqqorsiviit pillugit inatsisip tamanna pillugu aalajangersagai, matumani aamma toqqorsiviit pillugit Naalakkersuisut malittarisassaliaat naapertorlugit inunnit tamanit tikinneqarsinnaatitaalernissaannut piginneqqaartussaataitaaneq akornutaassanngilaq. Taamaattoq inuit namminneq toqqortaataannit, toqqorsiviit Namminersorlutik Oqartussat inatsisiliorfigisinnaasaasa avataanniittut pillugit, issuakkat tunniunneqarsinnaanatillu assilineri piliarineqaaqqusaanngillat.

Imm. 3. Suliat imm. 1 imaluunniit 2 naapertorlugit tikinneqarsinnaatitaasut imaluunniit taakku issuarneri nuutinneriluunniit tunniunneqarsimasut annertunerusumik atorneqarsinnaanis-saannut maleruagassat allat atuuttut aalajangiisuussapput.

§ 28. Siunertaq apeqqutaatillugu

- 1) eqqartuussisut suliaannut aamma allaffissornikkut ataatsimiititani taamaaqataannilu suliaannut, aamma
 - 2) pisortat oqartussaanni suliffeqarfinnilu Folketingip imaluunniit Inatsisartut ataanni inissisimasuni suliassanik sularinninnermut atatillugu suliat issuarneqarnissaat akuerisaavoq.
- Imm. 2.* Annertunerusumik atuinnissami maleruagassat allat atuuttut aalajangiisuussapput.

Illunik aamma pigisatigut eqqumiitsulianik allannguinuq

§ 29. Suliamik pilersitseqqaartoq akuersiteqqaarnagu illut teknikimut tunngasut pissutigalugit atorluarsinnaanerunissaalluunniit eqqarsaatigalugu piginnittumit allanngortinneqarsinnaapput.

Imm. 2. Pigisat atortorisat suliamik pilersitseqqaartumit akuerineqanngitsumik piginnittumit allanngortinneqarsinnaapput.

Radio isiginnaarullu pillugit immikkut aalajangersakkat

§ 30. Kalaallit Nunaata Radioata suliat saqqummiunneqarsimasut radiokkut isiginnaarutikkulluunniit aallakaatissinnaavai § 50 malillugu isumaqatigiissutini patsisissaatitaasut eqquutsinneqarsimappata. Oqaaseqatigiinni siullerni aalajangersagaq isiginnaagassianut filmigassianullu atuutinngilaq.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliqarfimmu inerteqqutigisinnaavaa.

Imm. 3. Imm. 1-imi 2-milu aalajangersakkat radiomik isiginnaarummillu suliqarfinnut allanut isumaqatigiissuteqarfiusimasunut taamatulli atortinneqarnissaat kulturministerip aalajangersarsinnaavaa.

Imm. 4. Imm. 1-imi aalajangersagaq aamma atorneqassaaq suliamik pilersitseqqaartup suliap assinga ataaseq arlallilluunniit allanut tunniussimappagit.

Imm. 5. Imm. 1-imi oqaaseqatigiinni siullerni aalajangersagaq atuutinngilaq radiokkut isiginnaarutikkullu aallakaatitanut qaammataasakkoortunut peqatigisaanik aallakaatitsissutit nuna-miuttut atorlugit radiomik isiginnaarummillu suliqarfik pineqartoq aallakaatitsinngippat.

Imm. 6. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginngitsunik piumasqaateqarnersoq apeqquserneqarpat illuatungeriit arlaata apeqqut eqqartuussivinnut suliassanngortissinnaavaa.

§ 30 a. Suliat tamanut saqqummiussat, KNR-ip nammineq aallakaatitassiaani ilanngunneqartussat, KNR-imit aallakkateqqinneqarsinnaallutillu sumiiffinni piffissanilu immikkut toqqartukkani tamanit pineqarsinnaanngorlugit atugassiissutaasinnaapput, tak. § 2, imm. 4, titarnerit aappaat, isumaqatigiissummi § 50 malillugu patsisissaatitat eqquutsinneqarsimappata. Oqaaseqatigiinni siullerni aalajangersagaq taamatulli atortuutinneqassaaq assinginik pilersitsinnermut, issuaanissaq pillugu pisariaqartinneqartunut. Oqaaseqatigiinni siullerni aappaannilu aalajangersakkat

taamaallaat atuutissapput sulianut, aallakaatitassiani 1. januar 2007 sioqqullugu aallakaatinneqareersimasuni ilaatinneqartussanut.

Imm. 2. Imm. 1 naapertorlugu suliap aallakaatinneqarnissaa suliamik pilersitseqqaartup radiomik isiginnaarummillu suliaqarfimmut inerteqqutigisinnaavaa.

§ 31. Radiomik imaluunniit isiginnaarummik suliaqarfiit aallakaatitsinerminnut atugassaminnik sulianik immiussissummut, filmimut sakkumulluunniit allamut tamakkuninnga issuaasinnaasumut immiussisinnaapput sulianik pineqartunik aallakaatitsisinnaatitaanerminnik tunngavissaqarlutik. Suliat taamatut immiussat inunnut tamanut pineqarsinnaatitaalernissaannut maleruagassat allat atuuttut aalajangiisuussapput.

Imm. 2. Taamatut immiussinissamut taakkulu atorineqarnissaannut paarineqarnissaannullu piumasaqaatit pillugit maleruagassat erseqqinnerusut kulturministerip aalajangersarsinnaavai.

§ 32. Oqallinnernik apeqqutit tamanut tunngasut oqallisigineqarfigisaannik radiokkut isiginnaarutikkullu aallakaatitsinerit pilersitseqqaartoq akuersiseqqaartinnagu issuaavigineqarsinnaapput. Pilersitseqqaartuosorli nammineq oqaaserisani katersorlugit naqiterisitsinissamut kisermaassisussaataavaoq.

§ 33. Suliat radiokkut isiginnaarutikkulluunniit aallakaatinneqartut immiussissummut, filmimut sakkumulluunniit allamut tamakkuninnga issuaasinnaasumut immiunneqarsinnaapput Statens Mediesamling-imilu kiisalu Kalaallit Nunaata Atuagaateqarfiata Groenlandica-mi katersugaataani paarineqassallutik, aallakaatitaq qularnaateqanngitsumik uppersaatissallit naleqarpat. Mediesamling aamma Groenlandica-mik katersugaatit aallakaatit assingini atasiakkaanik sanasinnaapput isumannaallisaaneq illersuinissarlu siunertaralugit aammalu ilisimatusarnermi atugassatut. Annertunerusumik atuisinnaatitaanissamut maleruagassat allat atuuttut aalajangiisuussapput.

Imm. 2. Imm. 1-imi aalajangersakkap pisortat toqqorsiviinut allanut taamatullu atorinneqarnissaa kulturministerip aalajangersarsinnaavaa.

§ 34. Radiomik imaluunniit isiginnaarummik suliaqarfiit piumaffigineqarnertik malillugu radiomi isiginnaarummilu aallakaatit immiunneqarnerannik inunnut suliffeqarfinnullu aallakaatitani pineqartuni peqataasimasunut imaluunniit aallakaatitami aalajangersimasumi eqqartuinikkut imaluunniit aallakaatitap pineqartup tamanut ammasumik eqqartorneqarnerani innarlerneqarsimasutut isumaqarfigisunut tunniussisinnaapput. Immiussat oqaaseqatigiit siulliit naapertorlugit tunniunneqartut nammineq atugassatut taamaallaat atorineqassapput.

§ 35. Suliat radiokkut isiginnaarutikkulluunniit silaannakoorlugit aallakaatinneqartut kabel-eqarfiit aqputigalugit ataatsikkut allanngortinnagillu aallakaatinneqarsinnaapput taamatullu radiokkut atortut iluaqutigalugit inunnut tamanut aallakaateqqinneqarsinnaallutik § 50 malillugu isumaqatigiissutini patsisissaatitaasut eqquutsinneqarsimappata. Pisinnaatitaaffinnut radiomik imaluunniit isiginnaarummik suliaqarfiit pigisaqarfigisaannut oqaaseqatigiinni siullerni aalajangersagaq atuutinngilaq.

Imm. 2. Suliat radiokkut isiginnaarutikkulluunniit silaannakoorlugit aallakaatitanut ilaasut nammineq antennikoorlugit tigoorarneqartut kabel-eqarfiit marlunnit amerlanerunngitsunit attavi-

gineqartut aqputigalugit imm. 1-imi aalajangersagaq apeqqutaatinnagu aallakaateqqinneqarsinnaapput.

Imm. 3. Atortumik imm. 1-imi taaneqartut ittumik piginnittup akisussaaffigaa radiokkut isiginnaarutikkullu aallakaatitassianik atortukku aallakaatitseqqinnissamut isumaqatigiissuteqarnissaq. Akissarsiarititassaq imm. 1 naapertorlugu isumaqatigiissutaasoq malillugu imaluunniit § 48, imm. 1 malillugu eqqartuussiviit aalajangiinerannut naapertuuttumik piginnittup akiligassaa attaveqartumut ataatsimut aningaasanngorlugu aalajangersagaappat attavimmut ataatsimut atuisup pisussaaffigaa aningaasat taakku amerlaqataasa piginnittumut akilernissaat.

Imm. 4. Suliap radiokkut isiginnaarutikkulluunniit aallakaatinneqartut, imm. 1-imi aalajangerneqartumit allaanerusumik issuarneqarsinnaapput, isumaqatigiissummi § 50 malillugu piumasagaatit naammassineqarpata. Suliap assinginik sananeq sumiiffinnilu piffissamilu immikkut toqqarneqartuni inuinnaat iserfigisinnaasaanni sulianik periarfissiineq, tak. § 2, imm. 4, nr. 1, aallakaatitsinermut piffissatigut atassuteqartumik pissaaq.

Imm. 5. Suliap radiokkut isiginnaarutikkulluunniit ingerlatsisumi imatut atugassanngortinneqartut sumiiffinni piffissamilu immikkut toqqarneqartuni inuinnaat iserfigisinnaasaanni, tak. § 2, imm. 4, nr. 1, allanit imatut periarfissiissutaassapput sumiiffinnilu piffissami immikkut toqqarneqartuni inuinnaat iserfigisinnaasaanni, tak. § 2, imm. 4, nr. 1, periarfissiineq radiokkut isiginnaarutikkulluunniit ingerlatsisutulli piffissami ingerlanneqarpata aamma isumaqatigiissummi § 50 malillugu piumasagaatit naammassineqarsimappata. Assinginik sananeq, periarfissiinnissamut pisariaqartinneqartunik periarfissaavoq.

Imm. 6. Imm. 4-imi aamma 5-imi aalajangersakkat atuutissanngillat, suliap atorneqarnissaanut piginneqqaartussaataasoq isumaqatigiissummi peqataasut arlaannut inerteqquteqarsimappat. Aalajangersakkat pisinnaatitaaffinnut radiumik isiginnaatikkulluunniit ingerlatsisunit pigineqartunut atuutinnngillat.

Imm. 7. § 50, imm. 4 malillugu kattuffik imm. 1-imi ilaasunik isumaqatigiissuteqarsinnaanermut ilaasoq isumaqatigiissuteqarnissamut naammaginangitsunik piumasagaateqarnersoq apeqquserneqarpata illuatungeriit arlaata apeqqut eqqartuussivinnut suliassanngortissinnaavaa.

Qarasaasianut programmit il.il. pillugit immikkut aalajangersakkat

§ 36. Kinaluunniit qarasaasianut programmimik atuinissamut pisinnaatitaasoq

- 1) programmip assinginik taamaattunik sanasinnaatitaavoq programmimilu allannguisinnaalluni taassuma siunertaa malillugu pineqartup atuinissaanut pisariaqartumik, matumanittaaq kukkunernik iluarsisinnaalluni,
- 2) programmip assinganik sillimasiorsinnaavoq taassuma atornissaanut tamanna pisariaqarpata, aamma
- 3) qarasaasiamut programmi qimerloorsinnaallugu, misissorsinnaallugu misilissinnaalluguluunniit programmip immikkuualuttuinut ataasiakkaanut isumassarsiat tunngavigisallu nalorninaalliniarlugit taamaaliornerlu programmimik atuaanikkut, skærmikkut takunninnikkut, ingerlatitsinikkut, nuussinikkut, toqqorsinikkut taamaaqataanilluunniit pineqartup suliarinissaanut pisinnaatitaanerattut pippat.

Imm. 2. Kinaluunniit databasemik atuisinnaatitaasoq iliuseqarsinnaavoq pineqartup databasep imarisaanut isersinnaanissaanut nalinginnaasumillu taassuminnga atuinissanut pisariaqartumik.

Imm. 3. Imm. 1, nr. 2-mi 3-milu kiisalu imm. 2-mi aalajangersakkat isumaqatigiissuteqarnikkut sanioqqunneqarsinnaanngillat.

§ 37. Qarasaasianut programmip kodeanik assiliinissaq aamma kodep ilusaanik nutserinissaq akuerisaappat tamanna, qarasaasianut programmip immikkoortillugu ineriartortitap aamma qarasaasianut programmit allat akornanni ingerlaqatigiilersitsisinnaanissamut paasissutissat pisariaqartut pissarsiarinissaannut tunngavissaappat aammalu

- 1) suliaq akuersissummik pigisaqartumit inummilluunniit allamit qarasaasianut programmip assinganik atuinissamut pisinnaatitaasumit, imaluunniit taakku sinnerlugit inummit taamaalorsinnaatitaasumit suliarineqarpat
- 2) ingerlaqatigiilersitsisinnaanissamut paasissutissat pisariaqartut inunnit nr. 1-imi taaneqartunit ajornanngitsumik sukkasuumillu siusinnerusukkut pissarsiarineqarsinnaasimanngippata, aamma
- 3) suliaq qarasaasianut programmip ingerlaqatigiilersitsisinnaanissamut pisariaqartup pioqqaartup immikkuualuttuunut killiligaappat.

Imm. 2. Imm. 1-ip atorneqarneranut atatillugu paasissutissat pissarsiarineqartut

- 1) qarasaasianut programmip immikkoortillugu ineriartortitap ingerlaqatigiilersissinnaanissaanut siunertanut allaasunut atorneqassanngillat,
- 2) inummut allamut tunniunneqassanngillat, tamanna qarasaasianut programmip immikkoortillugu ineriartortitap ingerlaqatigiilersissinnaanissaanut pisariaqartinneqanngippat, imaluunniit
- 3) qarasaasianut programmimik pioqqaartumut annertuumik assingussuteqartumik ineriartortitsinissamut, sananissamut nioqqutiginiagassatulluunniit allatulluunniit iliuseqarluni suliamik pilersitseqqaartuunermik innarliisumik atorneqassanngilaq.

Imm. 3. Imm. 1-imi 2-milu aalajangersakkat isumaqatigiissuteqarnikkut sanioqqunneqarsinnaanngillat.

Eqqumiitsuliat inuussutissarsiutitut tuniniaqqinneqarneranni akissarsiat

§ 38. Eqqumiitsuliat assingisa inuussutissarsiutitut tuniniaqqinneqarneranni tunisinermi akip 5 %-ianik suliamik pilersitseqqaartoq akissarsiassaminik piumasaqartussaavoq.

Imm. 2. Imm. 1-imi aalajangersakkami pineqanngillat illorsuliat. Pigisatigut eqqumiitsuliatut suliat pineqanngillat assingi assigiaat arlalinngorlugit sananeqarsimappata.

Imm. 3. Akissarsiassap naatsorsorneqarnissaa pillugu maleruagassat erseqqinnerusut, matu mani aamma tunisinermi akip appasinnerpaaffissaa akissarsiaqarsinnaatitaanissamik nassataqartusaq, kulturministerip aalajangersarsinnaavai.

Imm. 4. Akissarsiaqarsinnaatitaaneq atajuassaaq piginneqqaartussaataitanerup naanissaata tungaanut, tak. § 63. Pisinnaatitaaneq inummut tunngavoq allanullu tunniunneqarsinnaanani. Suliamilli pilersitseqqaartup toqoreerneratigut pisinnaatitaaneq suliamik pilersitseqqaartup katissimallugu aapparisaanit kingornussisussaanillu kingornunneqassaaq. Suliamik pilersitseqqaartoq katissimallugu

aapparissaminik kingornussisussanillu qimataqanngippat akissarsisinnaatitaaneq kattuffimmut imm. 5-imi taaneqartumut tutsinneqassaaq.

Imm. 5. Akissarsisinnaatitaaneq taamaallaat atuutsinniarneqarsinnaavoq kattuffimmit Naalakkersuisunit akuerineqarsimasumit. Kattuffiup akileeqqusinissaq pisussaataitaasunullu agguassinissaq isumagissavaa. Pisussaataitasup kattuffimmut piunasaqarsinnaanera ukiup tuniseqqiffiusup kingorna ukiut pingasut qaangiunnissaasa tungaanut atassaaq. Pisoqalisoorsinnaanera unitsinneqassaaq pisussaataitasup allakkatigut piunasaqaateqarneratigut.

Imm. 6. Imm. 1-imi taaneqartutut inuussutissarsiutitut tuniniaaqqinnermi tuniniaasoq pisussaavoq eqqumiitsuliat tuniniarneqarnerat pillugu ukiumoortumik naatsorsuutit naatsorsuutinik kukkunersiuisumit naalagaaffimmit akuerisamit imaluunniit naatsorsuutinik kukkunersiuisumit nalunaarsorneqarsimasumit uppersarneqarsimasut kattuffimmut imm. 5-imi taaneqartumut nassiu-nissaannut.

Imm. 7. Kulturministeri ersarinnerusunik malittarisassanik pilersitsisinnaavoq sulianik ingerlatsisarneq pillugu, kattuffiup imm. 5-imi pineqartup akuersissutigineqarneranut.

§§ 39-47. (Aalajangersakkat Kalaallit Nunaannut atortuulersinneqassanngillat.)

Aallakaatitseqqinneq immiussinerlu

§ 48. Kattuffiup imaluunniit radiomik isiginnaarummillu suliaqarfiup pissutissaqarpiarani suliata aallakaatitalluunniit silaannakkoortulugu aallakaatinneqartup kabel-eqarfiit aqquutigalugit ataasikkut allannagortinnagillu aallakaatinneqarnissaat akueriumanngippagu imaluunniit naleqqutinngitsunik piunasaqaateqarluni aallakaatitseqqinnissaq neqeroortigippagu piunasaqartoqarneratigut eqqartuussiviit akuersissut nalunaarutigisinnaavaat tamatumani piunasaqaatit erseqqinnerusut aalajangersarlugit. § 50, imm. 1-imi oqaaseqatigiit aappaanni aalajangersagaq taamatulli atortinneqassaaq.

Imm. 2. Radiomik imaluunniit isiginnaarummik suliaqarfiup radiomik imaluunniit isiginnaarummik suliaqarfiup aallakaatitaasa § 13, imm. 1-imi oqaaseqatigiinni siullerni oqaatsit kingullit imaluunniit § 17-imi, imm. 4-mi pineqartutut immiussinissaq § 69 malillugu akueriumanngippagu imaluunniit taamatut immiussinissami patsisissaatit isumaqatigiissutigineqarsinnaanngippata illuatungeriit arlaata piunasaqaateqarneratigut eqqartuussiviit akuersissut pisariaqartoq nalunaarutigisinnaavaat tamatumani piunasaqaatit erseqqinnerusut aalajangersarsinnaallugit.

Imm. 3. Imm. 2-mi aalajangersagaq aatsaat atorineqassaaq suliamik pilersitseqqaartut kattusimasut isumaqatigiissusiorsimappata § 50-imi, tak. § 13, imm. 1-imi oqaaseqatigiinni siullerni kingullit, imaluunniit § 17, imm. 3-mi pineqartumik. § 49-mi aalajangersagaq taamatulli atorineqassaaq.

Akissarsiatigut piunasaqaatit pisoqalisoormeri

§ 49. § 17 d, imm. 1, § 18, imm. 1 aamma § 68 naapertorlugit akissarsiassat piunasarinnaasat ukiup suliamik atuiffiusup piffiata naaneraniit ukiut pingasut qaangiunneranni pisoqalissapput.

Imm. 2. Akissarsiassat piunasarinnaasat kattuffimmit atuutsinniarneqarpata imm. 1-imi aalajangersagaq aamma atuuppoq suliamik pilersitseqqaartup kattuffimmut piunasaqaataanut.

Imm. 3. PISOQUALISOORSINNAANERA UNITSINNEQASSAAQ ALLAKKATIGUT PIUMASAQAATEQARTOQARNERATIGUT.

Isumaqatigiissuteqarnikkut licens pillugu ataatsimut aalajangersakkat

§ 50. §§ 13, 14 aamma 16 b, § 17, imm. 3, § 24 a, §§ 24 a, 30, 30 a aamma 35 malillugit isumaqatigiissuteqarnermik licensit atuisunit suliap pineqartup atorneqarnissaanik kattuffimmik, suliat suussusiinut aalajangersimasunut suliamik pilersitseqqaartut Kalaallit Nunaanni atorneqartut, isumaqatigiissuteqarsimasumit tunngaviginiarneqarsinnaapput.

Imm. 2. Isumaqatigiissuteqarnermik licensi taamaallaat atuisinnaatitsissutaavoq suliamik pilersitseqqaartut sinniisuutitaqanngitsut suliaannut kattuffimmik isumaqatigiissuteqarsimanertut ittumik tamatumani piomasaaqatit Kalaallit Nunaanni atorneqartut tunngavigalugit. Tamannali atuutissanngilaq pilersitseqqaartoq isumaqatigiissummi peqataasut arlaannut suliap atorneqarnissaanut inerteqquteqarsimappat.

Imm. 3. Isumaqatigiissuteqarnermik licensi sulianut suussutsimikkut taamaattunut allanut atuisinnaatitsissutaavoq sulianut taakkununga suliamik pilersitseqqaartut kattuffimmi sinniisuutitaqanngikkaluarpataluunniit. Isumaqatigiissuteqarnermik licensi atuisinnaatitsissutaavoq suliamik pilersitseqqaartut sinniisuutitaqanngitsut suliaannut kattuffimmik isumaqatigiissuteqarsimanertut ittumik tamatumani piomasaaqatit tunngavigalugit.

Imm. 4. Kattuffiit pisinnaatitaaffeqartut, imm. 1-imut aamma 2-imut ilaasumik isumaqatigiissuteqartut, immikkoortuni erseqqinnerusumik allanneqartuni isumaqatigiissusiornissamut Naalackersuisunit akuerineqassapput. Immikkoortuni aalajangersimasuni kattuffik akuerisaasoq imm. 1 imaluunniit 2 malillugu piomasaaqatinik naammassinnittunit kattuffinnik arlalinnit ilaarsortaaffiulluni ataatsimut kattuffiussasoq Naalackersuisut aalajangiisinnaapput.

Imm. 5. Kulturministeri ersarinnerusunik malittarisassiorsinnaavoq sulianik ingerlatsisarnermut kattuffiit akuersissutinik pigisaqartut imm. 4-mi pineqartut akuerineqartarnerinut.

§ 51. § 50 naapertorlugu suliamik atuinerni akissarsiassat suliamik pilersitseqqaartut kattuffimmi sinniisuutitaqartut akornanni agguataarneqarnissaannut maleruagassat kattuffiup aalajangersagai suliamik pilersitseqqaartunut sinniisuutitaqanngitsunut taamatulli atuutsinneqassapput.

Imm. 2. Suliamik pilersitseqqaartut sinniisuutitaqanngitsut immikkut akissarsiassamik piomasaaqartussaapput taamatut pisinnaatitaaneq atuisumik isumaqatigiissummi imaluunniit akissarsiassat pillugit kattuffiup maleruagassiaani ilaangikkaluarpalluunniit. Immikkut akissarsiassap annertussusissaa pillugu isumaqatigiittoqarsinnaanngippat illuatungerisap arlaata apeqqut eqqartuussivinnut suliassanngortissinnaavaa.

Imm. 3. Akissarsiassamik piomasaaqatit § 50 imm. 4 naapertorlugu § 35 malillugu suliamik atuinermut atatillugu kattuffiit akuerineqartut saqqummiukkumasaat peqatigisaanik atuisumut saqqummiunneqassapput.

Imm. 4. Aalajangersakkat imm. 1-imi 2-milu taaneqartut naapertorlugit akissarsiassamik piomasaaqatinut § 49-mi aalajangersagaq taamatulli atuutsinneqassaaq.

§ 52. § 13-imi, 14-imi, 16 b-mi § 17, imm. 3-mi, § 24 a-mi aamma § 30 a-mi taaneqartut isumaqatigiissuteqarnissamik isumaqatigiinniuteqarnerit angusaqarfiunngippata illuatungeriit tamarmik isumaqatigiinniartitsisoqarnissaa piomasarisinnaavaat.

Imm. 2. Isumaqatigiinniartitsisoqarnissaanik piunasaqaat Naalakkersuisunut saqqummiunneqassaaq. Piunasaqaat saqqummiunneqarsinnaavoq illuatungeriit arlaata isumaqatigiinniuteqarneq unitsippagu isumaqatigiinniuteqarnissarlunniit itigartippagu, imaluunniit isumaqatigiinniuteqarnerigaluit angusaqarfiunngitsoornissaat ilimanarsippat.

Imm. 3. Isumaqatigiissitsiniarneq isumaqatigiinniartitsisussatut Naalakkersuisunit toqqarneqartumit isumagineqassaaq. Isumaqatigiissuteqarniarluni isumaqatigiinniarnerni tunngavigineqasapput aaqqiissutissatut illuatungeriit siunnersuutigisimasinnaasaat. Isumaqatigiissaasup illuatunge-riinnut siunnersuutigisinnaavaa assortuussutip isumaqatigiissuteqarnikkut aalajangerneqarnissaa isumaqatigiissitsiniartussanillu toqqaanermi ikuuussinnaalluni.

Imm. 4. Isumaqatigiinniartitsisoq assortuussutip aaqqiissutissaanik siunnersuuteqarsinnaavoq piunasarinnallugulu siunnersutip taamaattup isumaqatigiissaasup piffissaliussaata iluani illuatungeriit oqartussaataitanut akuerisassanngortinneqassasoq itigartitassanngortinneqassasorluunniit. Isumaqatigiissitsiniarnerup inerneranik isumaqatigiissitsiniartup Naalakkersuisut nalunaarfigissavai.

Imm. 5. Piffissaq isumaqatigiissuteqarfiusoq naareersimagaluarpat imaluunniit isumaqatigiinniarnernit nalaanni naassagaluarpat isumaqatigiissutaasimasut atortuuginnassasut isumaqatigiissaasup aalajangersinnaavaa. Inassutaasumillu isumaqatigiissutissatut siunnersuummut imaluunniit isumaqatigiissitsiniaanissamik siunnersuummut illuatungeriit aalajangeereerneratigut imaluunniit isumaqatigiissitsiniartup siunnersuutinik taamaattunik saqqummiussisoqarnissaanut tunngavissaqannginnera-nerata kingorna sapaatip akunnerinik marlunik sivisunerusumik sivitsuisoqarsinnaanngilaq.

Imm. 6. Kinaluunniit isumaqatigiissitsiniartuusoq imaluunniit isumaqatigiissitsiniartuusi- masoq taamaaliortussaataitanani isumaqatigiissitsiniarsimasutut ilisimalikkaminik oqaatigisaqas- sananiluunniit atuissanngilaq.

Imm. 7. Isumaqatigiissitsiniartup sulinerani aningaasartuutit matussuserneqarnissaannut maleruagassat erseqqinnerusut kulturministerip aalajangersarsinnaavai.

Kapitali 3

Piginneqqaartussaanerup allanut nuunneqarnera

Aalajangersakkat nalinginnaasut

§ 53. Piginneqqaartuusup §§ 3 aamma 38 malillugit killilersuutaasut atorlugit inatsit manna malillugu pisinnaatitaaffini tamakkiisumik ilaannakuusumilluunniit allanut nuussinnaavaa.

Imm. 2. Assinginik nuussineq piginneqqaartussaanerup allanut nuunneqarneranut ilaanngilaq.

Imm. 3. Piginneqqaartuusup suliap aalajangersimasumik pissuseqartillugu atornissaa aalaja- ngersimasunilluunniit iluaqutissaqartillugu allanut tunniuppagu tunniussineq taanna piginnilersumut allatut iliorsinnaatitaanerussanngilaq allatulluunniit iluaqusersuutaassanani.

Imm. 4. Piginneqqaartussaanerup allanut nuunneqarnera pillugu §§ 54-59 aalajangersakkat illuatungeriit akornanni isumaqatigiissuteqarnikkut sanioqqunneqarsinnaapput aalajangersakkani ataasiakkaani allanik aalajangersaasoqarsimanngippat.

§ 54. Piginnilersup suliamik atuinisaaq pisussaaffigaa. Piginneqqaartuusup isumaqatigiissut qaammatinik arfinilinnik kalerrilluni atorunnaarsissinnaavaa isumaqatigiissutip piginneqqaartuu-

sumiit eqquutsinneqalernerata kingorna ukiut pingasut qaangiutinnginneranni atulersimanngippagu. Tamannali atuutinngilaq kalerriuteqarnerup naanissaa sioqqullugu atulersimappagu.

Imm. 2. Imm. 1-imi aalajangersagaq saneqqunneqarsinnaanngilaq, piffissaliussatut allanneqartut allannortinnissai taamaallaat pineqanngippata.

§ 55. (Atorunnaarpoq)

Allannguinerit tunniusseqqinnerillu

§ 56. Piginneqqaartussaannerup tunniunneqarnera piginnilersup suliamik allannguinnissaanut pisinnaatitsissutaanngilaq allannguneq pissusissamisuunngippat erseqqissumilluunniit tunngavissaa-titaasimanngippat.

Imm. 2. Piginneqqaartussaannerup tunniunneqarnera piginnilersup piginneqqaartussaannermik tunniusseqqinnissaanut piginnaatitsissutaanngilaq tunniusseqqinneq pissusissamisuunngippat erseqqissumilluunniit tunngavissaa-titaasimanngippat. Piginneqqaartuusumik isumaqatigiissutip eqqortinneqarnissaanut tunniussisoq akisussaassuseqartuassaaq.

Akiligassanik isumannaajaaneq nakkutillinerlu

§ 57. Piginnilersup kaaviiaartitai, tunisinikkut isertitai taamaaqataaluunniit suliamik pilersitseqqaartup akissarsiassaanut aalajangiisuuppata suliamik pilersitseqqaartup piumasarisinnaavaa akiligassat isumannaarneqartassasut minnerpaamik ukiumut ataasiarluni. Aammattaaq suliamik pilersitseqqaartup piumasarisinnaavaa akiligassanik isumannaajaanermut atatillugu akissarsiassat naatsorsorneqarneranni pissutsit tunngaviusimasut pillugit paasissutissat tamakkiisut ilaatinneqassasut.

Imm. 2. Suliamik pilersitseqqaartup piumasarisinnaavaa piginnilersup naatsorsuutai, naatsorsuuserinera nioqqutissat uninngasuutai aammalu suliamik atuisup uppernarsaatai imm. 1 malillugu akiligassanik isumannaajaanermut atatillugu naatsorsuutininik kukkunerisuiusumut naalagaaffimmit akuerisamit imaluunniit naatsorsuutininik kukkunerisuiusumut nalunaarsorneqarsimasumut suliamik pilersitseqqaartup toqqagaanut atugassannortinneqassasut. Akiligassanik isumannaajaanerup eqqortuuneranik nikingassutaasinnaasulluunniit pillugit suliamik pilersitseqqaartoq kukkunerisuiusup nalunaarfigissavaa. Aamma kukkunerisuiusup misissuinermini pissutsit ilisimalikkani allat tamaasa pillugit nipangiussisussaataavoq.

Imm. 3. Imm. 1-imi 2-milu aalajangersakkat suliamik pilersitseqqaartumut ajoqutissanngorlugu sanioqqunneqarsinnaanngillat.

Filmiliornermi isumaqatigiissutip pillugit immikkut aalajangersakkat

§ 58. Filmiliornermi peqataanissamik isumaqatigiissutip nassatarissavaa suliamik pilersitseqqaartup akerliliffigisinnaangimmagu

- 1) filmip assinginik sananissaq,
- 2) filmip assingisa inunnit tamanit pineqarsinnaatitaalerneru,
- 3) filmip tamanut ammasumik takutinneqarnissaa imaluunniit

- 4) filmip oqaatsit allat atorlugit allagartalersorneqarnissaa oqaasertalersorneqarnissaaluunniit.
Imm. 2. Imm. 1-imi aalajangersagaq atorneqassanngilaq
- 1) sulianut pioreersunut,
- 2) filmiliornermi najoqqutassatut atuakkanut, oqaloqatigiissutigisassanut nipilersugassianullu filmimik pilersitsinissaq siunertaralugu suliarineqartunut, imaluunniit
- 3) filmimi pingaarnertut ilitersuisumut.

*Assilissanik nipinillu immiussat attartortinneqarneranni akissarsiasamik
piumasaqaatit nuunneqarsinnaanngitsut pillugit aalajangersakkeat*

§ 58 a. Suliamik pilersitseqqaartup pisussaanini assilissanik nipiinillu immiussanik nioqqusiortartumut immiussat taamaattut attartortittarnerisigut suliamik inunnut tamanut pineqarsinnaalersitsineq tunniussimappagu suliamik pilersitseqqaartoq nioqqusiortumit attartortitsinermi naleqquttumik akissarsiaqartinneqarnissaminik piumasaqaateqarsinnaavoq. Akissarsiaqarsinnaati-taaneq taamaallaat atuutsinniarsinnaavoq kattuffiit pisussaatitaaffimmik pigisaqartut immikkuutaartut ataasiakkaat sinniisuutitaqarfii aqputigalugit. Oqaaseqatigiinni siullerni tulliinilu aalajangersakkeat isumaqatigiissuteqarnikkut sanioqqunneqarsinnaanngillat.

Qarasaasianut programmit atorfeqarnikeut pilersitat pillugit immikeut aalajangersakkeat

§ 59. Qarasaasianut programminut sulinermut atatillugu sanaanut sulisitsisup sanaartortitaanut piginneqqaartussaaneq sulisitsisumut nuunneqassaaq.

Inuup assingj qalipatat imissutit

§ 60. Inuup assinganut qalipatamut imissutaasumut suliamik pilersitseqqaartup pisussaatitaaffini atuutsinniarsinnaanngilai inniminniisooq akuersiseqqaartinnagu.

Kingornussineq akiligassaqaqarnermilu malersuineq

§ 61. Suliamik pilersitseqqaartup toqunerani kingornussisarnermik Kalaallit Nunaanni inatsimmi maleruagassat nalinginnaasut piginneqqaartussaaneermut atortinneqassapput.

Imm. 2. Suliamik pilersitseqqaartuusooq katissimallugu testamentikkut aapparminut kingornussisussavimminullu aamma pinngitsooratik sunniuteqartussanik peqqussuteqarsinnaavoq piginneqqaartussaaneerup atortinneqarnissaanik inulluunniit alla tamakkuninnga peqqussusiortissinnaallugu.

§ 62. Suliamik pilersitseqqaartuusup suliaminik atuisinnaatitaanera akiligassaqaqarnermik malersuissutaasinnaanngilaq suliamik pilersitseqqaartumut namminermt inummiluunniit katillugu aappaninneq kingornussinerluunniit malillugit atuisinnaanerup nuuffigineqarfigisaani.

Imm. 2. Aammattaq suliat assingj akiligassaqaqarnermik malersuissutaasinnaanngillat suliamik pilersitseqqaartumut namminermt inummiluunniit katillugu aappaninneq kingornussinerluunniit malillugit atuisinnaanerup nuuffigineqarfigisaani malersuineq sammitinneqarpat

- 1) allatanut najoqqutassanut (manuskripter),
- 2) naqtsivinnut, pladenut, kuitsivinnut taamaaqataannulluunniit eqqumiitsuliat sananeqarfigi-sinnaasaannut, imaluunniit
- 3) eqqumiitsuliat assinginut saqqummersinneqanngitsunut, tuniniagassanngortinneqartunut allatulluunniit iliorluni tamanut saqqummiunneqartussatut akuerineqartunut.

Kapitali 4

Piginneqqaartussaaneq atuussinnaanerata siviissusia

§ 63. Suliamut piginneqqaartussaaneq atuutissaaq ukiup piginneqqaartuusup toquffiata kingornatigut ukiut 70 qaangiunnissaannut imaluunniit suliat § 6-imi eqqartorneqartut tungaasigut ukiup inuummersornerusup toquffiata kingornanut. Filmilianulli piginneqqaartussaaneq atuutissaaq kinguliini taagorneqartut qimataasa ukiup inuummersornerusup toquffiata kingornatigut ukiut 70 qaangiunnissaannut:

- 1) Pingaarnertut ilitsersuisoq,
- 2) najoqqutassatut atuakkiortoq,
- 3) oqaloqatigiissutigisassanut atuakkiortoq aamma
- 4) filmiliugassanut immikkut atugassatut nipilersugassiortoq.

Imm. 2. Nipilersukkamut taallartaqartumut piginneqqaartussaaneq, taallartaa nipilersuutaallu nipilersuummut taallatalimmuut pineqartumut immikkut sanaajulluni uku inuit arlaata toquffiata kingornagut ukiut 70 qaangiunnissaannut atuutissaaq:

- 1) Taalliartoq aamma
- 2) erinniartoq

Imm. 3. Piginneqqaartussaasup aqqa, aterisuusaagaa tamanit ilisimasasooq meqqialuunniit taanagit suliaq ataaseq tamanut ilisimasassanngortitaappat piginneqqaartussaaneq atuutissaaq ukiup suliap tamanut ilisimasassanngortitaaffiata naaneraniit ukiut 70 qaangiunnissaannut. Suliaq taanna arlalinnik immikkoortoqarpat, atuagartaqarpat, kakkersagaappat, normoqarpat nangeqattaartuliaappalluunniit immikkoortunut ataasiakkaanut tamanut piffissaq illersuiffik immikkoortoq atuuppoq.

Imm. 4. Piffissap taaneqartup ingerlanerani piginneqqaartuusooq § 7 naapertorlugu taaneqarpat imaluunniit suliap tamanut ilisimasassanngortinneqannginnerani toqusoq oqaatigineqarpat atortussaaffiup siviissusia imm. 1 naapertorlugu naatsorsorneqassaaq.

Imm. 5. Sulianut tamanut ilisimasassanngortinneqarsimanngitsunut piginneqqaartussaasorlu ilisimaneqanngippat piginneqqaartussaaneq atuutissaaq ukiup suliap piliarineqarnerata naaneraniit ukiut 70 qaangiunnissaannut.

§ 64. Suliaq siusinnerusukku saqqummigaareersimanngippat kinaluunniit inatsimmik unioqutitsinani siullermeerluni tamanut saqqummiisooq imaluunniit piginneqqaartussaaneq piffissap illersuiffiusup naareerneraniit suliamik saqqummiisooq suliap aningaasanut tunngatillugu pisassaqarfittaanut atuakkiamik eqqumiitsuliatulluunniit suliamik pilersitsisup inatsit malillugu pisassaqarfiinut nalequttumik pisassaqarfeqalissaaq. Illersuineq atuutissaaq ukiup tamanut ilisimasassanngortitsiffiusup saqqummiinerulluunniit pineraniit ukiut 25 qaangiunnissaannut.

Kapitali 5
Pisassaqarfii allat

Eqqumiitsuliornermik suliaqartartut

§ 65. Eqqumiitsuliornermik suliaqartartup atuakkiamik eqqumiitsuliamilluunniit saqqummiinera eqqumiitsuliorartup taassuma akuerisarinngisaanik

- 1) nipiinnalinnut immiussivissamut, filmimut sakkumulluunniit allamut taassuminnga issuaasinaasumut immiunneqassanngilaq, imaluunniit
- 2) inunnit tamanit pineqarsinnaalersinneqassanani.

Imm. 2. Saqqummiineq imm. 1, nr. 1-imi taaneqartutut tiguneqaruni sakkumut allamut taassuminnga issuaasinaasumut eqqumiitsuliornermik suliaqartartup akuerisarinngisaanik nuunneqassanngilaq imaluunniit inunnit tamanit pineqarsinnaalersinneqassanani ukiup saqqummiunneqarfiata naaneraniit ukiut 50 qaangiutsinnagit.

Imm. 3. Piffissalli taassuma iluani saqqummersitap immiunnera, tak. imm. 1, nr. 1, saqqummiunneqarpat imaluunniit imm. 2-imi taaneqartup piffissap iluani inunnit tamanit pineqarsinnaalersinneqarpat illersuineq atuutissaaq ukiup siullermik saqqummiussiffiup imaluunniit inunnit tamanit pineqarsinnaalersinneqarfiata naaneraniit ukiut 50 qaangiunnissaannut, matumani aalajangiisuulluni suna siulliunersoq.

Imm. 4. Nipinik immiussaq, tak. imm. 1, nr. 1, imm. 2-imi piffissap taaneqartup iluani saqqummersinneqarpat imaluunniit tamanut saqqummiunneqarpat taamaattoq illersorneqarnera ukiup siullermik saqqummersinnerani imaluunniit tamanut saqqummiunnerani naaneraniit ukiut 70-it tikillugit sivissuseqassaaq, piffissaq sorleq siulliunersoq apeqqutaatillugu.

Imm. 5. Eqqumiitsuliornermik suliaqartartup aamma filmiliorartup akornanni filmiliornermi peqataanissamik isumaqatigiissutip, illuatungiliullugu isumaqatigiissuteqartoqarsimanngippat, nassatarissavaa eqqumiitsuliornermik suliaqartartup filmimik attartortitsinikkut pisassaqarfini filmiliorartumut nuussimagaa ilimagineqassaaq.

Imm. 6. § 2, imm. 2-4, §§ 3, 11 aamma 11 a, § 12, imm. 1, imm. 2, nr. 5, imm. 3, nr. 1, aamma imm. 4, §§ 13 aamma 15, § 16, 16 a aamma § 17-17 e, § 18, imm. 1 aamma 2, § 19, imm. 1 aamma 2, §§ 21, 22, 25, 27, 28, 30 a, 31, 33-35, 49-57, 58 a, 61 aamma 62-imi aalajangersakkat eqqumiitsuliornermik suliaqartartut saqqummigaannut taakkualu immiunnerannut taamatulli atuutsinneqassapput.

Nipinik immiussat saqqummiunneqarnerat

§ 66. Nipinik immiussat saqqummiisup akuerisarinngisaanik issuarneqassanngillat imaluunniit inunnit tamanit pineqarsinnaalersinneqassanatik ukiup immiussiviusup naaneraniit ukiut 50-it qaangiutsinnagit. Piffissalli taassuma iluani nipinik immiussat saqqummersinneqarpat imaluunniit tamanut saqqummiunneqarpat illersuineq atuutissaaq ukiup siullermik saqqummiussiffiup imaluunniit tamanut saqqummiunneqarfiata naaneraniit ukiut 70 qaangiunnissaannut, matumani aalajangiisuulluni suna siulliunersoq. Nipinik immiussat saqqummersinneqarnerani allatut ilior-

nikkut piffissap oqaaseqatigiinni siullerni taaneqartup iluani saqqummersinneqassappat illersuineq ukiup saqqummiiffiusup naaneraniit ukiut 70-it tikillugit sivilissuseqassaaq.

Imm. 2. § 2, imm. 2-4-mi, § 11, imm. 2-i aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3-mi, imm. 4, nr. 1-imi, aamma imm. 5-imi oqaaseqatigiinni siullerni, §§ 13, 15, 16, 16 a aamma 17-17 e, § 18, imm. 1-imi aamma 2-mi, § 19, imm. 1-imi aamma 2-mi, kiisalu §§ 21-imi, 22-imi, 25-imi, 27-imi, 28-imi, 30 a-mi, 31-mi, 33-mi, 34-mi, § 35, imm. 4-imi aamma 5-imi aamma 49-52-imi aalajangersakkat nipiinnalinnik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu nipiinnalinnik immiussat radiukkut isiginnaarutikkulluunniit silaannakkut aallakaatinneqartut, kabileqarfikkut aallakaateqqinneqarsinnaapput radiokkullu atortut iluaqutigalugit allanngortinnagit ataatsikkoortumillu aallakaatinneqarsinnaapput.

Eqqumiitsuliortup pisinnaatitaaffinik nuussineq pillugu isumaqatigiissutip atorunnaarnera

§ 66 a. Eqqumiitsuliortutut ingerlataqartup nipinik immiussanut pisinnaatitaaffini nipinik immiussisartumut tunniussimasani imaluunniit nuussimasani pillugit isumaqatigiissut atorunnaarsinnaavaa, nipinik immiussap saqqummiunneqarneraniit ukiut 50-it ingerlareersimappata, imaluunniit, nipinik immiussinerup tamanut saqqummiunneqarneraniit ukiut 50-it ingerlareeranni taamatut saqqummiussineq pisimanngippat, saqqummiussisoq

1) nipinik immiussap assilineranik neqerooruteqartut naammattumik annertussuseqartumik tuniniaappat aamma

2) nipinik immiussaq imatut atugassanngortippagu sumiiffimmi piffissamilu immikkut toqqar-neqartumi inuinnaat periarfissinneqarlutik, tak. § 2, imm. 4, nr. 1.

Imm. 2. Eqqumiitsuliortutut ingerlataqartup isumaqatigiissut atorunnaarsippagu, tak. imm. 1, tamanna ukiumik ataatsimik kalerriisoqarneratigut pissaaq. Tamatuma kingorna isumaqatigiissut atorunnaarsinneqarsinnaavoq nipinik immiussisoq imm. 1, nr. 1 aamma 2-mi takuneqarsinnaasunik iluaquteqarnissamat iliuusissat marluusut piffissap kalerriiffiusup naanissaa sioqqullugu isumaginngippagit. Eqqumiitsuliortutut ingerlataqartup isumaqatigiissutip atorunnaarsinnissaanut pisinnaatitaaffini taamaatissinnaanngilaa.

Imm. 3. Imm. 1 malillugu isumaqatigiissut atorunnaarsinneqarpat isumaqatigiissummut tunngasumut nipinik immiussamat saqqummersitsisup nammineq pisinnaatitaaffii atorunnaassappat, tak. § 66.

Ukiumoortumik tapiissutaasunik akissarsianut pisinnaatitaaffik

§ 66 b. Eqqumiitsuliortutut ingerlatsisup nipinik immiussanik immiussisumik nipinik immiussap saqqummersinnissaanut pisinnaatitaaffinni tunniussimappagit ataasiaannarlunilu akissarsisoqarnissaanik isumaqatigiissuteqarluni nipinik immiussap saqqummersinneraniit ukiut 50-it ingerlareeranni, imaluunniit, nipinik immiussap tamanut saqqummiunneraniit ukiut 50-it ingerlareersut taamatut saqqummersitsisoqarsimanngippat ukiunut ilivitsunut tamanut ataasiakkaanut nipinik immiussisumut ukiumut tapertaasumik akissarsinissamat pineqartoq pisinnaatitaaffeqarpoq. Eqqumiitsuliortutut ingerlataqartup ukiumoortumik tapertaasumik akissarsianut pisinnaatitaaffini annaasinnaanngilaa.

Imm. 2. Imm. 1-imi taaneqartut akissarsiat akilernissaannut aningaasat nipinik immiussisooq immikkoortitsissaaq. Aningaasat tamarmiusut immikkoortinneqartussat ukiup akissarsiat akilerneqarnissaanni saqqummersitsisup isertitaasa 20 pct.-iinik annertussuseqassapput. Akissarsiat nipinik immiussap suliareqqinneraniit, nassiussuuneranit atugassanngortinneraniillu saqqummersitsisup isertitaanit naatsorsorneqassapput, nipinik immiussap saqqummiunneraniit ukiut 50-it ingerlareersimappata, imaluunniit, nipinik immiussap tamanut saqqummiunneraniit ukiut 50-it ingerlareersut taamatut saqqummersitsisoqarsimanngippat.

Imm. 3. Akissarsiat Naalakkersuisunit akuerineqartumit ingerlatsivimmit akilerneqarlutillu aqunneqassapput.

Imm. 4. Eqqumiitsuliortumik ingerlatsisumiit noqqaasoqarneratigut imaluunniit imm. 3-imi ingerlatsisutut akuerineqarsimasumiit ukiumoortumik tapertaasumik akissarsiat akilerneqarnissaasa qulakkeerneqarnissaanut pisariaqarsinnaasunik paasissutissanik sunilluunniit nipinik immiussisooq tunniussissaaq.

Imm. 5. Taamatut ingerlatsiviup akuerineqarneranut atatillugu suliamik suliarinnineq pillugu malittarisassanik erseqqinnerusunik kulturministeri aalajangersaasinnaavoq.

§ 66 c. Eqqumiitsuliortutut ingerlataqartup nipinik immiussanik immiussisumik nipinik immiussap saqqummersinnissaanut pisinnaatitaaffinni tunniussimappagit ingerlaavartumillu akissarsiaqarsinnaanermik isumaqatigiissuteqarsimappat siumoortumik akiliisimanerit isumaqatigiissutikkulluunniit ilanngaait eqqumiitsuliortutut ingerlataqartumut ingerlaavartumik akissarsianit ilanngaatigineqassanngillat, nipinik immiussap saqqummiunneqarneraniit ukiut 50-it ingerlareersimappata, imaluunniit, nipinik immiussinerup tamanut saqqummiunneqarneraniit ukiut 50-it ingerlareerneranni taamatut saqqummiussineq pisimanngippat.

Assilissanik immiussisartut

§ 67. Assilissanik immiussat saqqummiisup akuerisarinngisaanik issuarneqassanngillat imaluunniit inunnit tamanit pineqarsinnaalersinneqassanatik ukiup immiussiviup naaneraniit ukiut 50 qaangiutsinnagit. Piffissalli taassuma iluani assilissanik immiussat saqqummersinneqarpata imaluunniit tamanut saqqummiunneqarpata illersuineq atuutissaaq ukiup siullermik saqqummiussiffiup imaluunniit tamanut saqqummiunneqarfiata naaneraniit ukiut 50 qaangiunnissaannut, matumani aalajangiisuulluni suna siulliunersoq.

Imm. 2. § 2, imm. 2-4-mi, § 11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, §§ 13-imi, 15-imi, 16-imi aamma 16 a-mi, § 17, imm. 1-imi aamma 3-imi, § 18, imm. 1-imi aamma 2-mi, § 19, imm. 1-imi aamma 2-mi, aamma §§ 22-mi, 25-mi, 27-mi, 28-mi, 30 a-mi, 31-34-mi, 35, imm. 4-imi aamma 5-imi aamma 49-52-imi aalajangersakkat assilissanik immiussanut taamatulli atuutsinneqassapput.

Imm. 3. Imm. 1-imi aalajangersagaq apeqqutaatinnagu assilissanik immiussat isiginnaarutikkut atassuteqanngitsumik aallakaatinneqartut, radiokkut atortut iluaqutigalugit inuinnarnut kabel-itigut atortut atorlugit aallakaateqqinneqarsinnaapput ingerlateqqinneqarlutillu, tamanna allannguuteqanngitsumik pippat peqatigisaanillu aallakaatitsineq ingerlanneqarpata.

Nipinik immiussat radiomi isiginnaarutikkullu il.il. atorneqarnerannut akissarsiat

§ 68. § 65, imm. 2-4mi aamma § 66, imm. 1-imi aalajangersakkat apeqqutaatinnagit nipinik immiussat saqqummiunneqarsimasut radiokkut isiginnaarutikkulluunniit aallakaatitsinermi allatullu tamanut ammasumik saqqummiussinermi atorineqarsinnaapput. Oqaaseqatigiinni siullerni aalajangersagaq atortuutinneqassanngilaq nipinik immiussanik saqqummiunneqareersunik sumiiffinni piffissamilu immikkut toqqartukkani tamanit pineqarsinnaanngorlugit atugassiinertut saqqummiussinermit, tak. § 2, imm. 4, nr. 1, titarnerit aappaat.

Imm. 2. Nipinik suliaqartartut pilersitsiartullu akissarsiasaminnik piunasaqarsinnaapput. Akissarsiasanik piunasaqarneq taamaallaat atuutsinniarneqarsinnaavoq ataatsimoorullugu kattuffik nipinik suliaqartartut pilersitsisartullu peqataaffigisaat Naalakkersuisunillu akuerineqarsimasoq aqqu-tigalugu. Akissarsiat annertussusaat pillugit isumaqatigiittoqarsinnaanngippat illuatungeriit arlaata apeqqut eqqartuussivinnut suliaassanngortissinnaavaa.

Imm. 3. Imm. 1-imi 2-milu aalajangersakkat isiginnaarutikkut aallakaatitanut filmilianullu tamanut ammasumik saqqummiunneqartunut, nipi assilissallu aallakaatinneqarpata ataatsikkulluunniit saqqummiunneqarpata, atuutinngillat.

Imm. 4. Aalajangersagaq taanna naapertorlugi nipinik immiussamik atuisoq illuatungeriit isumaqatigiissitaasigut imaluunniit eqqartuussiviit aalajangiinerisigut aalajangersarneqartumik akissarsianik akiliinngippat eqqartuussisoqarneqatigut aalajangersarneqarsinnaavoq pineqartup atuinera taamaallaat pisinnaasoq piginnaatitaasup akuersineratigut pisinnaasoq, akiliisoqarnissaata tungaanut.

Imm. 5. Kulturministeri ersarinnerusunik aalajangersagalorsinnaavoq sulianik ingerlatsisarnermut kattuffimmik imm. 2-mi eqqaaneqartumik akuersissarnermut tunngatillugu.

Radiomik isiginnaarummillu suliaqarfii

§ 69. Radiokkut isiginnaarutikkulluunniit aallakaatitaq radiomik isiginnaarummilluunniit suliaqarfup akuerisarinngisaanik allanit aallakaatinneqassanngilaq allatulluunniit tamanut ammasumik saqqummiunneqassanani. Taamatuttaaq aallakaatitaq akuerisaanngitsumik assiliissummik assilinqassanngilaq imaluunniit nipinik immiussissummut filminullu atortunut allanut nuutinneqarfigisinnaasaanut immiunneqassanngilaq.

Imm. 2. Aallakaatitaq assiliissummik assilinqarsimappat imaluunniit imm. 1-imi taaneqartutut immiunneqarsimappat suliaqarfup akuerisarinngisaanik atortumut allanut taassuminnga issuaasinnaasumut nuunneqassanngilaq tamanulluunniit siammarterneqassanngilaq ukiup aallakaatitsiviusup naaneranit ukiut 50 qaangiutsinnagit.

Imm. 3. § 2, imm. 2-4-mi, § 11, imm. 2-mi aamma 3-mi, § 11 a-mi, § 12, imm. 1-imi, imm. 2, nr. 5-imi, imm. 3, nr. 2-mi aamma imm. 4-mi, § 15-16 a-mi, § 17, imm. 1-imi aamma 2-mi, §§ 17 a-17 e-mi, § 19, imm. 1-imi aamma 2-mi, §§ 21-mi, 22-mi aamma 25-mi, § 27, imm. 1-imi aamma 3-mi, §§ 28-mi, 31-mi, 32-mi, 33-mi aamma § 36, imm. 3-mi aalajangersakkat radiomik isiginnaarummillu aallakaatitanut taamatulli atuutsinneqassapput.

Assiliivik atorlugu assiliisartut

§ 70. Assiliivik atorlugu assinik sanasoq (assiliisoq) assilissamik assiliornissamut inunnullu tamanut takusassanngortitsinissamut kisermaassisinnaatitaavoq.

Imm. 2. Assiliivik atorlugu assinik piginnittutut isigineqarneq ukiup assilisap sananeqarfiata naaneraniit ukiunik 50-inik sivisussuseqarpoq.

Imm. 3. § 2, imm. 2-4-mi, §§ 3-mi, 7-imi, 9-mi, 11-mi aamma 11 a-mi, § 12, imm. 1-imi aamma imm. 2, nr. 5-imi, §§ 13-16-imi, § 17, imm. 1-imi, aamma 3-mi, §§ 17 a-17 e-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-mi, 21-mi aamma 23-mi, § 24, imm. 1-imi aamma 2-mi, aamma §§ 24 a-mi, 25-mi, 27-mi, 28-mi, 30-31-mi, 33-35-mi, 47-mi, 49-58-imi aamma 60-62-imi aalajangersakkat assiliivik atorlugu assilisanut taamatulli atuutsinneqassapput. Assiliivik atorlugu assilisaq § 1 malillugu piginneqqaartussaaffiussappat taanna aamma atuutsinniarneqarsinnaavoq.

Kataloginik il.il. pilersitsiortortut

§ 71. Kinaluunniit kataloginik, tabelinik, databasenik taamaaqataannilluunniit paasissutissanik annertuunik arlalinnik katersuiffiusumik pillersitsisoq imaluunniit annertuumik aningaasalersuinikkut angusaqartoq sulianut tamakkiisumik taakkuluunniit immikkoortuinik pingaarnerpaanik atuisinnaatitaasoq kisimiilluni pisussaataitaavoq assinginik pilersitsinissamut inunnillu tamanit pineqarsinnaatitsilernissamut.

Imm. 2. Imm. 1-imi aalajangersagaq katalogit, tabelit, databaset taamaaqataasaluunniit immikkoortuisa pingaannginnerit arlaleriarluni aalajangersimasumillu pissuseqarluni assinginik pilersitsinermut imaluunniit inunnit tamanit pineqarsinnaatitsilernermet atuutsinneqassaaq iliuitsit taaneqartut iliuitsinut suliat pineqartut nalinginnaasumik atugaanerannut assortuuttutut iliuitsinut naleqqiunneqarsinnaappata imaluunniit pilersitsisartup soqutigisaanut naleqqutinngitsumik ajoqusippata.

Imm. 3. Suliat imm. 1-imi taaneqartutut pissusillit tamakkualuunniit immikkoortui piginneqqaartussaaffinngortitaappata allamilluunniit illersorneqartussaaffinngortitaappata piginneqqaartussaaneq aamma noqqaassutigineqarsinnaavoq.

Imm. 4. Imm. 1 malillugu illersuineq atuutissaaq ukiup suliap pilarineqarfiata naaneraniit ukiut 15 qaangiunnissaannut. Suliarli imm. 1-imi taaneqartutut pissusilik piffissap taassuma iluani inunnit tamanit pineqarsinnaatitaalerpat illersuineq atuutissaaq ukiup siullermik inunnit tamanit pineqarsinnaalersinneqarfiata naaneraniit ukiut 15 qaangiunnissaannut.

Imm. 5. § 2, imm. 2-4-mi, §§ 6-9-mi, § 11, imm. 2-mi, § 12, imm. 1-imi aamma imm. 2, nr. 4-mi, §§ 13-17 d-mi, § 18, imm. 1-imi aamma 2-mi, § 19, imm. 1-imi aamma 2-mi, §§ 20-22-mi, 25-mi, 27-mi, 28-mi, 30-35-mi, § 36, imm. 2-mi aamma 3-mi, § 47-mi aamma §§ 49-52-mi aalajangersakkat kataloginut, tabelinut, qarasaasiani atortunut il.il. imm. 1-imi taaneqartunut taamatulli atuutsinneqassapput.

Imm. 6. Isumaqatigiissuteqarnermi patsisaasut suliamik tamanut saqqummiunneqarsimasumik imm. 1 malillugu pilersitsisartup pisinnaatitaaffinik annertusiisut atuutinnigillat.

Tusagassiorfinnut nalunaarutit

§ 72. Tusagassiorfinnut nalunaarutit isumaqatigiissut naapertorlugu nunat allat nutaarsiassa-qarfiinit nunaniluunniit allani ilanngutassiortunit tunniunneqartut tiguisup akuerisarinngisaanik aviisitigut, radiokkut allatigulluunniit assigisaasigut inunnt tamanut tusagassanngortinneqassanngillat Danmarkimi tamanut tusagassiarineriniit nalunaaquttap akunneri 12-inngortinnagit, taamaattorli tak. §§ 17 a- 17 d.

Kapitali 6

Aalajangersakkeat assigiinngitsut

Taaguutinik illersuineq il.il.

§ 73. Atuakkiaq eqqumiitsuliartuunniit inunnt tamanit pineqartussanngortinneqassanngilaq taaguummik, aterisuusaakkamik meqqimilluunniit suliamut siornatigut saqqummerikkamut taassumaluunniit piginneqqaartuanut paarlaassutaasinnaasumik ilisarnaaserlugu.

Imm. 2. Suliap siornatigut saqqummerneqarsimasup tamanut saqqummiunneqarnera suliap allap saqqummernerata qaammatinit pingasunit sivikinnerusumik sioqqullugu pisimappat imm. 1-imi aalajangersagaq atuutinneqassanngilaq paarlaassinisaaq ilimanaateqanngippat.

Eqqumiitsuliat atsiorneqarnerat

§ 74. Eqqumiitsuliortup aqqa meqqialuunniit allamit eqqumiitsuliortumit eqqumiitsuliamut allamut atorneqassanngilaq taassuma nammineq tamanna akuersissutigisimanngippagu.

Imm. 2. Eqqumiitsuliortup aqqa meqqialuunniit suliap assinganut issuakkamut pioqqaartumut paarlaanneqarsinnaasunngorlugu sukkulluunniit atorneqassanngilaq.

Piginneqqaartussaanerup naareerneratigut namminissarsiunngitsumik pisinnaatitaaffit

§ 75. Piginneqqaartussaaneq qaangiussimagaluarpuunniit atuakkiaq eqqumiitsuliartuunniit § 3, imm. 1 aamma 2-mut akerliusumik allanngortinneqassanngilaq inunnilluunniit tamanit pineqartussanngortinneqassananni kulturikkut soqutigisat tamatumuunakkut eqqunngitsuliorfigineqaq-qunagit.

Nipilersugassianik tamanut tusartitsineq

§ 75 a. Inuusutissarsiutitut sullivik, tassani piginneqqaartussaataitanermik piginnittusoq imaluunniit tamatuminnga isumaqatigiissutikkut piginnittusoq sinnerlugu nipilersugassiamik, inatsit manna malillugu illersorneqartumik, tamanut tusartitsinissaq pillugu isumaqatigiissuteqartoqassatillugu tamanna Naalakkersuisunit akuersissutigineqartassaaq, akuersissummut erseqqinnerusunik tunngaviliisinnaasunit.

Imm. 2. Kattuffik il. il., imm. 1 naapertorlugu akuerisaq, nipilersugassianik tamanut tusartitsinissamut akuersinissami naleqqutinngitsunik patsisissaqartitsippat eqqartuussiviit qinnuigineqarnikkut tusartitsinissaq pillugu tunngavigisassanik aalajangersaasinnaapput.

Imm. 3. Kulturministeri ersarinnerusunik malittarisassanik aalajangersaasinnaavoq akuersissuteqartarnermut atatillugu sulianik ingerlatsisarneq imm. 1-mi eqqaaneqartoq pillugu.

Kapitali 6 a

Teknikikkut iluaqusersuutitut atortulersuutit il. il.

§ 75 b. Teknikikkut aaqqissukkanik, qarasaasiatigut programminut illersuutaasunik, unioq-qutitsisumik pīaanissamut imaluunniit allannortiterinissamut pisariillisaatissatut siunertalinnik sakkunik tunisaqarnissaq imaluunniit iluanaarniutiginnissat siunertaralugu pigisaqarnissaq inerteq-qutaavoq

§ 75 c. Piginnaatitaasumiit akuerineqaaqartinnani teknikikkut iluaqusersuutitut atortulersuutitik sunniutilimmik atorneqartunik allannortiterinissaq inerteq-qutaavoq

Imm. 2. Inerteq-qutaavoq piliornissaq, eqqusuinissaq, siaruarternissaq, tuniniaanissaq, attartortitsinissaq, tuniniakkatut imaluunniit attartugassatut ussasaarinissaq imaluunniit iluanaarutiginiarlugit pigisaqarnissaq aaqqissukkanik, tunisassianik imaluunniit komponent-inik

- 1) tunisaqapallannissamut, ussasaarinissamut imaluunniit tuniniaanissamut atorniarneqartunik teknikikkut iluaqusersuutitik allannguuteqartitsinissaq siunertaralugu,
- 2) iluanaaruteqarnissamiit allaanerusumik imaluunniit annikitsuinnarmik siunertaqartunik imaluunniit teknikikkut atortulersuutitik iluaqusersuutitut sunniutilimmik atorneqartunik allannortiterinissamiit allatut iluanaarniutitut atuugassanik imaluunniit
- 3) teknikikkut atortulersuutitik iluaqusersuutitut sunniutilimmik atorneqartunik allannortiterinissamiit angallassinissaq siunertarinerullugu piorsarneqartunik, piliarineqartunik, naleqqussarneqartunik imaluunniit tunniunneqartunik.

Imm. 3. Imm. 2-mi aalajangersagaq taamatulli atortuutinneqassaaq sullissinernut.

Imm. 4. Imm. 1-imi aamma 2-mi teknikikkut atortulersuutitik iluaqusersuutitut sunniutilimmik atorneqartunik pineqarput teknikikkut iluaqusersuutit suulluunniit, pissusissamisoorumik atorneqarnerini sulianik allanillu saqqummiussassanik il. il. inatsit manna naapertorlugu illersorneqartussanik illersuinissamik siunertaqartut.

Imm. 5. Imm. 1-4-mi aalajangersakkat atortinneqassanngillat qarasaasiat programmiinik illersuinernut.

Imm. 6. Imm. 1-4-mi aalajangersakkat susassaqqanngitsunut paasiuminaallisaasarnerup iluani paasisassarsiornissamut akornutaassanngillat.

§ 75 d. Eqqartuussiviit qinnuigineqarnikkut piginnaatitaasumut, teknikikkut atortulersuutitik iluaqusersuutitut sunniutilimmik atorneqartunik § 75 c, imm. 1-imi taaneqartunik atuisimasumut peqqussuteqarsinnaapput atortunik taama ittunik atuisumut atugasseeqqullugu, taassuma § 15-imi, § 16-imi, § 17, imm. 1-mi, § 17 c-mi, § 18, imm. 1-imi aamma 2-mi, § 21, imm. 1, nr. 2-mi, § 23, imm. 1-imi aamma §§ 26-28-mi, 31-mi, 33-mi aamma 68-imi aalajangersakkanik iluaqutugalugu atuisinnaanissanut pisariaqartunik. Piginnaatitaasup eqqartuussiviup aalajangiineraniit sapaatit akunneri sisamat qaangiutsinnagit peqqussutaasoq malinngippagu, atuisoq § 75 c, imm. 1-imi aalajangersagaq apeqqutaatinnagu teknikikkut atortulersuutitik allannguuteqartitsisin-

naavoq. Oqaaseqatigiinni siullerni aappaannilu aalajangersakkat taamaallaat atortinneqassapput atuisunut, suliamut imaluunniit saqqummiussamut il. il. akuerisamik isersinnaatitaasunut.

Imm. 2. Imm. 1-imi aalajangersagaq taamaallaat atortinneqassaaq piginnaatitaasoq nammineerluni iliuuseqarnermigut, tamatumani aamma allanut akuliuttunut isumaqatigiissuteqarnikkut, qularnaarsimanngippagu atuisup teknikikkut iluaqusersuutitut atortunik atuigaluarluniluunniit imm. 1-imi taaneqartutut aalajangersakkanik iluaqutiginnissinnaanera.

Imm. 3. Tamannali § 17 c naapertorlugu issuaanernut atuutinngilaq. Imm. 1-imi aalajangersagaq atortuutinneqassanngilaq sulianut allanullu saqqummiussinissanut il. il. isumaqatigiissutitigut patsisissaatitat tunngavigalugit tamanut atugassiissutaasunut taamaalilluuni taakku sumiiffinni piffissamilu aalajangersimasumi tamakkuninnga tikitsisinnaanngorlugit, tak. § 2, imm. 4, nr. 1, titarnerit aappaat. Tamannali atuutinngilaq § 17 c naapertorlugu issuaanerni.

§ 75 e. Piginnaatitaasumiit akuerineqaqqaartinnani ajornartitaassaaq

- 1) piginnaatitaanermik ingerlatsineq pillugu qarasaasiatigut paasisutissanik piiaanissaq imaluunniit allannguuteqartitsinissaq imaluunniit
- 2) assinginik siaruarternissaq, suliat allallu saqqummiussassat il. il. assinginik tamanut siaruarternissaq imaluunniit nuussuinissaq siunertaralugu eqqussuinissaq, piginnaatitaanermik ingerlatsineq pillugu qarasaasiatigut paasisutissat peerneqarsimatillugit imaluunniit akuersisitseqqaarani allanngortinneqarsimatillugit.

Imm. 2. Imm. 1-imi aalajangersagaq taamaallaat atortuutinneqassaaq, iliuitsit pineqartut inummit, iliuuserisami suliamut allamulluunniit saqqummiunneqartumut il. il. inatsit manna naapertorlugu illersugaasussamut piginnaatitaanermik innarliisussaananeramik, innarliisinnaananeramik tamatuminngaluunniit isertuilerneranik ilisimaneqartunut imaluunniit ilisimaneqartariaqaraluar-tunut.

Kapitali 7

Inatsisit atortinniagaanerit

Pineqaatissiinerit

§ 76. Akiliisitaanermik pineqaatissinneqassaaq kinaluunniit piaarinaatsoornikkut mianersuaalliorujussuarnikkulluunniit

- 1) § 2-mik imaluunniit § 3-mik unioqputitsisoq,
- 2) §§ 65-imik, 66-imik, 67-imik, 69-imik, 70-imik imaluunniit 71-imik unioqputitsisoq,
- 3) § 11, imm. 2-mik, § 60-imik imaluunniit §§ 72-75-inik unioqputitsisoq,
- 4) § 38, imm. 6 malillugu naatsorsukkanik nassiussinngitsoq,
- 5) § 61, imm. 2 malillugu peqqussutaasunik unioqputitsisoq.

Imm. 2. Aalajangersakkanik imm. 1, nr. 1 aamma 2-mi taaneqartunik piaaraluni unioqputitsineq aamma sulianik saqqummikkanilluunniit aalajangersakkani pineqartunik assiliisoq imaluunniit tamakkua assinginik tamanut siaruarternisoq sakkortunerusumik pineqaatissinneqarsinnaavoq Kalaallit Nunaanni pinerluttulerinermik inatsit malillugu. Pissutsit peqqarniinnerulersitsisut pingaartumik pisinnaapput unioqputitsinerit inuussutissarsiornikkut pippata, pilersitsinikkut assinginil-

luunniit siaruarternikkut inunnit tamanit pineqarsinnaalersitsinikkut pippat peqqarniinnerusumillu pisoqartillugu ukiumi ataatsimi isertitsivimmiisitaanermik paarnaarussivimmiititaanermilluunniit pineqaatissineq annertusineqarsinnaavoq. Suliap assingi amerlasoorsuannngorlugit unioqutitsinikkut piliarineqarsimappata imaluunniit unioqutitsinikkut annertuumik iluanaaruteqarnissaq siunertarineqarsimappat taakku peqqarniinnerusumik pisoqarneratut naatsorsuunneqassapput.

§ 77. Suliap saqqummikkalluunniit §§ 65-71 malillugit illersorneqartut Kalaallit Nunaata avataani saqqummigaappata taamatullu Kalaallit Nunaanni saqqummernissaat inatsimmut akerliussappat tamakku assinginik tamanut siaruaanissaminik siunertaqarluni piaaraluni mianersuaalliorujussuarnikkulluunniit eqqussisoq akiliisitaanermik pineqaatissinneqarsinnaavoq.

Imm. 2. § 76, imm. 2-mi aalajangersagaq imm. 1-imi aalajangersakkamik piaarinaatsoornikkut unioqutitsinernut taamaaqataanik atuutsinneqassaaq.

§ 78. Piaaraluneernikkut mianersuaalliorujussuarnikkulluunniit §§ 75 b aamma 75 c-mik unioqutitsisoq akiliisitaanermik pineqaatissinneqassaaq. Piaaraluni § 75 e-mik unioqutitsisoq akiliisitaanermik pineqaatissinneqassaaq.

§ 79. § 31, imm. 2 malillugu peqqussutini aalajangersakkanik unioqutitsinernut akiliisitaanissamik pineqaatissinneqarnissaq aalajangersarneqarsinnaavoq.

§ 80. Peqqussut imaluunniit malittarisassat peqqussummik tunngaveqartumik suliaasut pisinnaatitsippat akiliisitsissutissamik annertussusiliisinaanermut, akiliisitsissutissarlu inatsisit naapertorlugit inummot akiligassanngortinneqarsinnaavoq Kalaallit Nunaanni pinerluttulerinermut inatsimmi aalajangersakkat naapertorlugit. Unioqutitsineq naalagaaffimmit, Namminersorlutik Oqartussanit imaluunniit kommunimit imaluunniit nunaqarfimmi aqutsisunit pilersitaasimappat, naalagaaffik, Namminersorlutik Oqartussat, kommuni imaluunniit nunaqarfimmi aqutsisut akisussaatinneqarsinnaapput akiliisitsissummik akiliisussatut.

Assuarliineq

§ 81. Unioqutitsinerit § 76, imm. 1-imi, § 77, imm. 1-imi imaluunniit § 79-imi pineqartunut ilaasut innarlisaagaasumit assuarliutigineqartassapput.

Imm. 2. Piginneqqaartuusup toqunerata kingornatigut § 3-mik aamma § 61, imm. 2 naapertorlugi peqqussutigineqartunik unioqutitsinerit piginneqqaartup katissimallugu aapparisaanit, siuaasamigut kinguaamigulluunniit eqqarliinit qatanngutaanilluunniit aamma assuarliutigineqarsinnaapput.

Imm. 3. Piginneqqaartuusup toqunerata kingornatigut §§ 3-mik aamma 73-74-inik unioqutitsinerit aamma pisortanit assuarliutigineqarsinnaapput. § 3-milli unioqutitsinerit aatsaat pisortanit assuarliutigineqarsinnaapput kulturikkut soqutigisat unioqutitsinermi innarligaasimasorineqarpata.

Imm. 4. Imm. 1-imi aalajangersagaq apeqqutaatinnagu § 75-imi unioqutitsineq pisortanit assuarliutigineqassaaq.

Imm. 5. Unioqutitsinerit § 78-imi, tak. § 75 b aamma § 75 c, imm. 2, pineqartut, pisortanit assuarliutigineqartassapput.

Imm. 6. Unioqutitsinerit, § 78-imi, tak. § 75 c, imm. 1, aamma § 75 e, pineqartut innarligaasumit assuarliutigineqartassapput.

§ 82. Unioqutitsinerit § 76, imm. 2-mi imaluunniit § 77, imm. 2-mi pineqartunut ilaasut aatsaat innarlisaagaasumit piumasaaatigineqarpat assuarliutigineqartassapput, tamanut tunngassutillit assuarliuteqarnissaq piumasarissanngippassuk.

Imm. 2. Inatsimmi matumani aalajangersakkanik unioqutitsisoqarnerani suliani misissuinerit Kalaallit Nunaanni eqqartuussisarnermik inatsit naapertorlugu ingerlanneqartassapput.

Taarsiissuteqarneq ajunngitsorsiassallu

§ 83. §§ 76-imi aamma 77-imi taaneqartunik aalajangersakkanik piaaralunecernikkut mianersuaalliorujussuarnikkulluunniit unioqutitsisoq atuinermut naammaginatsumik akissarsiaqartitsinissaminut aammalu unioqutitsinerup nassatarisaanik ajoqusuinerminut taarsiissuteqarnissaminut pisusaavoq.

Imm. 2. Unioqutitsineq ajunngitsumik isumaqarluni pisimagaluarpalluunniit innarligaasooq akissarsiaqartinneqartussanngortinneqassaaq imm. 1-imilu aalajangersakkat malillugit taarsiffigineqassalluni tamanna ingasaginarinneqanngippat. Taamaattorli taamatut pisoqarsimatillugu akissarsiasat taarsiissutissallu unioqutitsinerimi iluanaarutaasimasut akimorsinnaanngilaat.

Imm. 3. Suliamik pilersitseqqaartoq, assiliisartoq eqqumiitsuliornermilluunniit suliaqartartoq, inatsinik unioqutitsinikkut pinnaatitaaffimmigut innarlerneqartoq, aningaasanut tunngasuunngitsumik ajoqusigaanerminut kajumissaaserneqarnissaminik piumasaaqartussaavoq.

Arsaarinnissuteqarneq il.il.

§ 84. Eqqartuussiviup eqqartuussinikkut aalajangersinnaavaa assigiaat ilaasa sulianik imaluunniit pilersitanik kanngunarsaasut §§ 65-71-imi aalajangersakkanit illersugaasunik,

- 1) niuerfiusumit utertinneqassasut,
- 2) tamakkiisumik niuerfiusumiit peerneqassasut,
- 3) nunguterneqassasut imaluunniit
- 4) eqqunngitsuliorfigisaasumut tunniunneqassasut.

Imm. 2. Imm. 1 assigisaanik atortinneqassaaq atortunut, sakkunut assigisaannullu, unioqutitsisumik pilersitsinerimi pingaarnertut atorneqarsimasut imaluunniit pilersitamik atuinermi atorneqarsimasut.

Imm. 3. Pisariaqartunik iliusaasariaqartut imm. 1 naapertorlugu iliuserineqassapput kanngunarsaasumut sutigulluunniit taarsiissutitaqanngitsunik, sunniuteqassananilu eqqunngitsuliorfigineqartumut. Pisariaqartunik iliussissat pilersinneqassapput kanngusarsaasup akiligassaasut, pissutsit immikkut ittut tamanna assortorsimanngippassuk.

Imm. 4. Eqqartuussivimmi aalajangiinerimi imm. 1 naapertorlugu eqqartuussiviup isiginiassavaa naapertuuttumik isiginnittoqarnissaa kanngunartuliap annertussusaanik aamma eqqartuussinikkut pineqaatissiissutit soqutigisaqartullu pingajuusut soqutigisaat.

Kapitali 8
Inatsisip atuuffii

Piginneqqaartussaaneq

- § 85. Inatsisip piginneqqaartussaaneq pillugu aalajangersagartai ukununnga atuutissapput
- 1) danskisut innuttaassuseqartut imaluunniit inuit Kalaallit Nunaanni imaluunniit Europamiut Aningaasarsiornikkut Suleqatigiiffianni najugaqartut suliaannut,
 - 2) sulianut siullermeerlugit Kalaallit Nunaanni imaluunniit Europamiut Aningaasarsiornikkut Suleqatigiiffianni saqqummikkanut imaluunniit siullermeerlugit Kalaallit Nunaanni aamma nunami allami ataatsikkut saqqummikkanut,
 - 3) filmilianut taakkua pilersitsisui Kalaallit Nunaanni imaluunniit Europamiut Aningaasarsiornikkut Suleqatigiiffianni qullersaqarfeqarpata najugaqarpataluunniit,
 - 4) illorsualianut Kalaallit Nunaanni imaluunniit Europamiut Aningaasarsiornikkut Suleqatigiiffianni inissisimasunut, aamma
 - 5) eqqumiitsulianut Kalaallit Nunaanni imaluunniit Europamiut Aningaasarsiornikkut Suleqatigiiffianni illorsualianut sanaanulluunniit ilaliunneqartunut.

Imm. 2. Imm. 1, nr. 2-p atornerani suliaq Kalaallit Nunaanni saqqummiunneqareernermit ullut 30 qaangiutsinnagit nunami allami saqqummiunneqarpat ataatsikkut saqqummiunneqartut naatsorsuunneqassaaq.

Imm. 3. Imm. 1, nr. 3-p atornerani allamik nalunaaruteqartoqarsimangippat pilersitsisup aqqa filmimi pissusissamisoortumik taaneqartoq pilersitsisutut naatsorsuunneqassaaq.

Imm. 4. § 38-mi aalajangersagaq inuit nunami Europamiut Aningaasarsiornikkut Suleqatigiiffiata iluaniittumi innuttaassuseqartut imaluunniit tassani imaluunniit Kalaallit Nunaanni najugallit suliaannut atuutsinneqassaaq.

Imm. 5. § 64-imi aalajangersagaq atuutissaaq tamanut saqqummiussanut saqqummikkanul-luunniit

- 1) inunnit nunami Europamiut Aningaasarsiornikkut Suleqatigiiffiata iluaniittumi innuttaas-suseqartunit imaluunniit tassani imaluunniit Kalaallit Nunaanni najugalinnit, imaluunniit
- 2) ingerlatseqatigiiffinnit Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi qullersaqarfeqartunit.

Imm. 6. §§ 73-75 aalajangersakkat sulianut tamanut atuutissapput.

Pisinnaatitaaffiit allat

§ 86. § 65-imi aalajangersakkat atuutissapput

- 1) saqqummiussinernut Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi pisimasunut, aamma
- 2) saqqummiussinernut nipinillu immiussanut, imm. 2-mi aalajangersagaq naapertorlugu iller-sugaasunut.

Imm. 2. § 66-imi aalajangersakkat ukununnga atuupput

- 1) nipinik immiussanut, Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi immiussaasimasunut,
- 2) nipinik immiussanut, inunnit Kalaallit Nunaanni najugaqartunut innuttaassusilinnullu imaluunniit najugalinnit imaluunniit nunami Europamiut Aningaasarsiornikkut Suleqatigiiffiata iluaniittumi immiussaasimasunut, aamma
- 3) nipinik immiussanut, ingerlatseqatigiiffinnit Kalaallit Nunaanni qullersaqarfeqartunit tunit imaluunniit nunami Europamiut Aningaasarsiornikkut Suleqatigiiffiata iluaniittumi immiussaasimasunut.

Imm. 3. § 67-imi aalajangersagaq atuutissaaq

- 1) assilissanik immiussanut Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi immiussaasimasunut, aamma
- 2) assilissanik immiussanut, inunnit, nunami Europamiut Aningaasarsiornikkut Suleqatigiiffiata iluaniittumi innuttaassusilinnit imaluunniit tassani imaluunniit Kalaallit Nunaanni najugalinnit immiussaasimasunut, aamma
- 3) assilissanik immiussanut, ingerlatseqatigiiffinnit Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi qullersaqarfeqartunit immiussaasimasunut.

Imm. 4. § 69-imi aalajangersagaq atuutissaaq

- 1) radiokkut isiginnaarutikkullu aallakaatitanut danskit naalagaaffianni aallakaatitaasimasunut, aamma
- 2) radiumik isiginnaarummillu suliaqarfinnut danskit naalagaaffianni qullersaqarfeqartunut.

Imm. 5. Imm. 5. § 70-imi aalajangersagaq atuutissaaq

- 1) assiliivik atorlugu assinut inunnit nunami Europamiut Aningaasarsiornikkut Suleqatigiiffiata iluaniittumi innuttaassusilinnit imaluunniit tassani imaluunniit Kalaallit Nunaanni najugaqartunit assilisaasunut, aamma
- 2) assiliivik atorlugu assinut Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittumi illorsualianut sanaanulluunniit ilaliunneqartunut.

Imm. 6. § 71-imi aalajangersagaq atuutissaaq kataloginut il.il

- 1) inunnit nunami Europamiut Aningaasarsiornikkut Suleqatigiiffiata iluaniittumi innuttaassusilinnit imaluunniit tassani imaluunniit Kalaallit Nunaanni najugaqartunit pilersitaasunut, imaluunniit
- 2) ingerlatseqatigiiffinnit, Kalaallit Nunaanni imaluunniit nunami Europamiut Aningaasarsiornikkut Suleqatigiiffiata iluaniittummi qullersaqarfeqartunit pilersitaasunut.

Imm. 7. Imm. 6-imi aalajangersakkat § 72-imi taaneqartut tusagassiorfitsigut nalunaarutinut taamatulli atuutsinneqassapput.

Imm. 8. Imm. 1-imi aalajangersagaq apeqqutaatinnagu nipinik immiussinernik tamanik immiussinernit pillugit § 65, imm. 1-imi aalajangersagaq atuuppoq. Imm. 2-imi aalajangersagaq apeqqutaatinnagu nipinik immiussanut tamanut kingornatigut iluarsinerit pillugit § 66, imm. 1 atuuppoq. Imm. 1-4-imi aalajangersakkat apeqqutaatinnagit saqqummiussinernut, nipinik immiussinernut, assiliivik atorlugu assilisanut kiisalu radiokkut isiginnaarutikkullu aallakaatitanut tamanut inuinnarnut assilisanik siaruarterineq pillugu § 65, imm. 2-4-imi, § 66, imm. 1-imi, § 67, imm. 1-imi aamma § 69, imm. 2-imi aalajangersakkat atuupput.

Radiukkut isiginnaarutikkullu satellitsikkoortumik aallakaatitanut immikkut aalajangersakkekat

§ 87. Radiukkut isiginnaarutikkullu satellitsikkoortumik aallakaatitat danskit naalagaaffianni pisutut naatsorsuunneqassapput aallakaatitat inunnit tamanit tiguneqartussatut naatsorsuussat Kalaallit Nunaanni kipiffeqanngitsumik satellitsimut satellitsimiillu nunarsuarmut attaveqartut radiomik isigin-naarummilluunniit suliaqarfimmit nakkutigisaappata akisussaaffigineqarpatalu.

Imm. 2. Satellitsikkut aallakaatitat aamma Kalaallit Nunaannit pisutut naatsorsuunneqassapput aallakaatitat nunamit Europamiut Aningaasarsiornikkut Suleqatigiiffiani ilaasortaanngitsumit aallakaatitaappata aammalu radiokkut isiginnaarutikkullu satellitsikkut aallakaatitat kabel-ikkullu aallakaatitseqqittarnermut atatillugu piginneqqaartussaaneq piginneqqaartussaananermullu assingusumik pisinnaatitaaffiit pillugit ataatsimoorussamik aalajangersakkekat Rådep peqqussutaani 93/83/EØF-mi 27. september 1993-imeersumi kapitali II-mi aalajangersakkekat ilaannit illersugaanngippata, makkunatullu pisoqarpat:

- 1) Aallakaatitat Kalaallit Nunaanniit sakkortusaavikkoortumik satellitsimut ingerlatitaappata. Taamaappat §§ 2, 64 aamma 65-73 malillugit pisinnaatitaaffiit aallakaatitsivimmik ingerlatsisumut atuutsinneqarsinnaapput.
- 2) Sakkortusaavik nunami EØS-imut ilaasortaaSUMITtoq atorneqanngippat aammalu radiomik isiginnaarummillu suliaqarfik Kalaallit Nunaanni qullersaqarfeqartoq aallakaatitamik eqqus-sinngippat. Taamaappat §§ 2, 64, aamma 65-73 malillugit pisinnaatitaaffiit suliaqarfimmut atuutsinneqassapput.

Nunanut allanut il.il. naleqqiullugu inatsisip atortinneqarnera

§ 88. Isumalluutigeqatigiinnissaq siunertaralugu inatsisip matuma aalajangersagartaasa ator-neqarfissaasa annertussusaata nunanut allanut naleqqiullugu allisinneqarsinnaanera pillugu kultur-ministeri malittarisassanik erseqqinnerusunik aalajangersaasinnaavoq.

Imm. 2. Aammattaaq sulianut siullerpaamik inuiaqatigiit akornanni kattuffinnit naqitertineqartunut aamma sulianut naqitertitaanngitsunut kattuffiit taamaattut naqitertissinnaatitaaffigisaannut atorneqartussanngortitaasinnaaneri pillugit kulturministeri malittarisassanik erseqqinnerusunik aalajangersaasinnaavoq.

Imm. 3. Kulturministeri aalajangersagaliorsinnaavoq §§-it 17 a 17 d assigisaanik atortinneqassasut eqquusuinnermut aamma annissuinnermut formatinik nalinginnaasumik nassaassaasunik atuisarnermut nunanit nunanullu Eorupamiut Aningaasarsiornikkut Suleqatigiiffiannut ilaasuniittunut.

Kapitali 9

Atortuulersitsinermi ikaarsaariarnermilu aalajangersakkekat

§ 89. Peqqussut atuutilerpoq ulloq 1. januar 2020.

Imm. 2. Peqatigitillugu atorunnaarsinneqassaaq piginneqqaartussaaneq pillugu inatsisip Kalaallit Nunaannut atortuulersinneqarnissaanik peqqussut nr. 561, 7. juni 2006-imeersoq.

§ 90. Peqqussut aamma atortuutinneqassaaq sulianut saqqummiussinernullu il. il. Peqqusutip atortuulersinneqarnera sioqqullugu saqqummiunneqartunut.

Imm. 2. Peqqussut atuutissanngilaq iluaqutiginninnernut naammassereersunut, imaluunniit pisinnaatitaaffinnut inatsisip atortuulersinneqarfia sioqqullugu pissarsiaasunut. Suliat saqqummius-salluunniit il. il. assingisut sanaartukkat tamanut siammaatiterneqarsinnaallutik takutinneqarsinnaajuassapput, piffissami taamatut siammaatiterinerup imaluunniit takutitsinerup akuerisaaffiani inatsisinit naapertuuttumik saqqummiussaasimagunik. § 19, imm. 2-mi aamma 3-mi aalajangersakkat taamaattoq tamatigut atortuutinneqartassapput attartortitsinermut atukkiussinermullu, inatsisip atortuulersinneqareerneratigut pisussanut.

Imm. 3. Suliamut imaluunniit saqqummiussinermut il. il. tunngatillugu piffissaq illersuiffissaq aalajangersakkanik nutaanik atuilernikkut aalajangersakkat maannamut atuussimasut malillugit piffissaliussaataasumiit sivikinnerulissappat aalajangersakkat tamanna tikillugu atuussimasut atortinneqassapput. § 63, imm. 5-imili aalajangersagaq tamatigut atortuutinneqartassaaq.

§ 91. §§ 54-imi, 55-imi, 56-imi aamma 58-imi aalajangersakkat atortuutinneqassanngillat isumaqatigiissutinut 1. juli 2000 sioqqullugu isumaqatigiissutaasunut.

Imm. 2. § 65, imm. 5-mi aalajangersagaq aamma atortuutinneqassaaq isumaqatigiissutinut 1. juli 2000 sioqqullugu isumaqatigiissutaasunut.

Imm. 3. § 30, imm. 5-imi aamma § 87, imm. 2-mi aalajangersakkat isumaqatigiissutinut ulloq 1. januar 2000 sioqqullugu isumaqatigiissutigineqartunut atorneqassanngillat, aatsaat ulloq 1. januar 2005-imi.

Imm. 4. § 59-imi aalajangersakkat edb-iikkut programminut atuutissanngillat 1. juli 2000 sioqqullugu isumaqatigiissutaasunut.

Imm. 5. § 70-imi aalajangersagaq atortuutinneqassanngilaq assinut assiliivimmik assilisanut 1. januar 1975 sioqqullugu saqqummiussanut.

§ 92. Immikkut ittumik pisinnaatitaanerit inerteqqutillu inatsisip pisoqaanerusut naapertorlugit tunniussat atuutiinnassapput.

/Mette Bock